

Hibru

Hibru nibi bi Krai lau adö mideila gau kalip köp kali ktiñ rika

God Ñi nipe hanip manö aij ña

1 ¹ Nöd God nipe apis bac hon Juda nibi bi gau kalip manö hagnig, bi manö hagep nipe gau adan ke ke gasi ñö, kale niñöm hag ñimidal. ² Pen ñin hain midpun i, Ñi nipe ke yuö apöm hanip manö hag ña. God hagö, Ñi nipe ram minöñ nan gau magöñhalö hadame dagol gau gi la. God hagö, Ñi nipe ram minöñ nan gau magöñhalö abad mideinab.^a ³ Nap mailö kub halö yabiñ midöp rö u, Ñi u rö nöp mailö kub halö yabiñ midöp. Nap bi aigege bi rö midöp u, Ñi nipe u rö nöp unbö rö nöp midöp. Ñi manö klö yabiñ nipe hagö, ram minöñ nan gau magöñhalö midep nöp midöp. Ñi nipe apöm, hanip nibi bi magöñhalö a göm umöm, nibi bi magöñhalö gau nan si nan naj gipal gau magöñhalö hik gi ke gau yuöm, kauyañ urak ap jak Nap klö ke halö midöp u ñimagö yijig böñ lau adö asiköm aip midpil.^b

Ejol gau yagol rö midpal; God Ñi me Bi Kub yabiñ midöp

⁴ God nipe gö, Krai nipe ejol gau rö wasö; nipe Bi Kub midöp. God Krai nip Ñi yad a ga u, hib nipe ejol hib rö wasö; hib nipe i adö lañol au midöp.^c ⁵ God Manö adiñ ap God manö hagöm haga,

“Yad miñi nöp hagabin, ne Ñi yad midpan,
yad Nap ne midpin,” a ga.

Pen manö anibu God nipe ejol ap hagaga.^d ⁶ Pen Ñi nipe nöd u minöñ naböñ i yunig ga ñin u, God nipe ejol nipe kalip haga,

^a 1:2 Jon 1:3 ^b 1:3 Ap 2:33-34; Kol 1:20; Hib 8:1 ^c 1:4 Plp 2:9 ^d 1:5 Ap 13:33; 2Sa 7:14; 1Kr 17:13

- “God ejol gau magöŋhalö hib nipe haglö adö arañ,” a ga.^e
 7Pen ejol gau manö hagöm God haga,
 “God ejol nipe gau gö,
 ñin ap yigön rö udöm aubal.
 Wög gi ñeb bi nipe gau gö,
 ñin ap mab miñañ rö udöm aubal,” a ga.^f
 8Pen God nipe Ñi nipe níp manö hagöm haga,
 “Ne God. Ne Kiñ pör nöp pör nöp midmön,
 nibi bi ne gau pör nöp abad mideinabön.
 Nibi bi ne abad midmön, gi aij gimön,
 kabö rö nöp gimön, abad mideinabön.”^g
 9Nibi bi gi aij gilö,
 ne ñiñi liban,
 pen nibi bi nan si nan naj gilö,
 ne mulu kal niñban.
 Anib u, yad, God ne, ginö,
 ne nöp Bi Kub ke yabiñ midpan;
 bi niñeb ne gau mo ne gau midpal,” a ga.
 10God manö rimnap halö hagöm haga,
 “Bi Kub, ne ke hadame dagol gau nöp midmön,
 minöñ naböñ iñ i gi löm, kumi kabö au ñimagö ne gi lina.”^h
 11-12 Nan anib gau magö ap midöm, ur ginig gab,
 pen ne midep nöp mideinabön.
 Nan anib gau, wañij papit li lugö,
 ud asik ke au löm, gisön nibö rol gipal rö ginabön.
 Pen ne Bi Kub, nöd midmidan rö,
 uri anib unbö rö nöp midpan;
 ke ap lagnabön; uri midpan rö
 hainö anib unbö rö nöp nöp pör pör nöp mideinabön,” a
 ga.
 13God Manö adiñ ap God manö hagöm haga,
 “Ne ñimagö yijig böñ yad aui asik midö,
 nan nihön nihön nöp kauañ mauañ rö midöp gau
 magöŋhalö,
 raña migan ne gau linabin,” a ga.
 Pen manö anibu God nipe ejol ap hagaga.ⁱ 14Anib u, ejol gau nihön rö
 midpal? God kalip hag yuö, níp wög gi ñöl gi, nibi bi Kraiñ ud kamiñ yuö
 kumi kabö adö lañ au God aip pör nöp kamiñ mideinaböl gau kalip gi
 ñibal.^j

^e 1:6 Ro 8:29 ^f 1:7 Sam 104:4 ^g 1:8 Sam 45:6-7 ^h 1:10-12 Sam 102:25-27

ⁱ 1:13 Sam 110:1 ^j 1:14 Sam 34:7; 91:11

God hanip uda u nan kub yabił

2 ¹Anib u, manö hag ñilö niñbun u, niñ ud pidöñ gun, gasi niñöl gi nöp midaiun. Pen niñ ud aij gagnabun u, gasi piral rimnap niñun, manö piral böñ gau arun rö löp. ²Ejol gau nöp lo manö u damöm, Mosis nip ñila u pen manö anibu manö niñö nöp midö niñöl gi, nibi bi manö anibu magö ap hagöp rö gagla gau abe, nibi bi magö ap rib rikla gau abe, ilön pen udla. ^k ³Anib u, hon God Ñi nipe manö aij dauöp u arö ginabun u, hon kamiñ arun rö lagnab. Bi Kub nipe ke manö anibu dap auö, nibi bi manö nipe anibu niñla gau, hanip manö niñö yabił anibu niñmim a göm, hag ñi aij gila. ^l ⁴Pen gasi kale u nöp niñöm hagagla; God kalip aip midö niñöl gi, nan niñeb niñagep rö rimnap göl gi, nan gagep rö rimnap göl gi, hanip hag ñila. God gasi nipe ke niñöm, Ana Uł nipe u nibi bi rimnap nan aij ñö ke yabił geila u, u rö nöp niñno. Anib u me, Kraıs manö aij u niñö yabił hagaböl a gun niñbun. ^m

Jisas hanip rau adog udöm hanip añ mam yad a göp

⁵Pen God hanip ud nipe aip kumi kabö ado lañ au pör nöp mideinabun manö hagin adö u, ejol gau bi kub adö lañol rö, hon yagol rö midageinabun. ⁶Manö adö anibu, God Manö u kali kñiñ riköm hagla, “God. Ne nibi bi gau kalip gasi niñmön udpan.

Pen kale ne ke rö midagpal;

kale nibi bi yihariñ rö u,

ne nihön ginig kalip abad mid aij gipan?”

⁷Ne gaina, magö utep ap ejol gau bi kub rö mideila,

nibi bi gau yagod au rö mideila u

pen miñi nibi bi gau kalip gö, kale hib midö,

⁸ nan magöñhalö gau abad mideinaböl,” a gila.

God gö nibi bi nan magöñhalö gau abad mideinaböl a gila u, hon niñbun nan magöñhalö nibi bi mo kale au midnab. Pen miñi hon niñbun nan magöñhalö nibi bi mo kale au midagöp.

⁹Pen Jisas ga u niñbun. God Jisas nip yuö minöñ naböñ adö it i apöm mideia ñin u, ejol gau nibi bi kub rö mideila; Jisas nipe bi yihariñ pro rö mideia. Pen God nipe nibi bi mög niñöb rö, Jisas nibi bi magöñhalö gau ud kamiñ yunam a göm ilön kub udöm umö, God gö miñi Bi Kub mailö halö midö niñöl gi, hib nipe haglö adö arab. ^o

¹⁰God nipe nan gau magöñhalö gi löm abad midöp u, nibi bi iru nöp ud ram minöñ aij yabił nipe u ud linig, Jisas yuö apöm ilön ke yabił udö, God nip ka aij ke yabił nipe ke u ña. Nihön ginig: Jisas nipe ke ga

^k 2:2 Gal 3:19 ^l 2:3 Hib 10:29; 12:25 ^m 2:4 Mak 16:20; 1Ko 12:4,11 ⁿ 2:6 Sam 8:4-6
^o 2:9 Plp 2:8-9

manö aij u niņ udöm, nibi bi iru nöp ka aij ke yabił anibu Jisas aip am mideinaböl. ¹¹ Pen nibi bi nan si nan naij gac u łik gi yuab Bi anibu abe, nibi bi uri gac halö midagpal gau abe, Nap kale añi. Anib u, Jisas nibi bi anib gau kalip añ mam yad bi gau a göm hagö nable gagöp.^p ¹² Jisas nipe God nip haga,

“Añ mam bi yad gau kalip aiud nöp u ud ñinabin;
nöp sabe ginig magum gun, kimap hagöl gi,
hib ne hagnö adö arnab,” a ga.^q

¹³ Pen manö ap haga,

“God nipe yip abad aij ginab a gi gasi u niņem
gasi halö mideinabin,” a ga.

Pen manö ap haga,

“God ñi pai yip ña gau aip midpin i,” a ga.^r

Krais nibi bi udnam a göm, bi rö löm, aua

¹⁴ Ñi pai haga anib gau kale nibi bi u me, nipe bi yabił ap löm apöm, Seden nibi bi łip gi udö umbal bi u nip al pak linig uma.^s ¹⁵ Anig gö me, nibi bi umnabun a göm pör nöp gasi milö löm bi nagiman rö mideila gau, kalip hubik yuö pör pör nöp kamiņ midaiöl rö löp. ¹⁶ Pen Krais anig ga u, ejol gau ud aij ginam a göm gaga; Ebrahim ñi pai ud aij ginam a göm anig ga. ¹⁷ Adö anibu nöp, Krais apöm hon añ mam nipe midpun rö bi yabił löm, bi God nip nan sabe gep aij yabił u midöm, nibi bi mid aij gagpal gau kalip mög niņöm ud aij göm, pör nöp God nip wög gi ñi aij göl gi midö, God nipe nibi bi nan si nan naij gipal gau gac anibu niņöm arö ginab. ¹⁸ Pen apöm minöņ naböņ adö ił i midöm, hanip marö nihön nihön göp u, nip u rö nöp gö me, nipe ke niņ aij göp rö, hanip mög niņöm abad mid aij ginab.

Jisas bi kub; Mosis bi pro

3 ¹ Añ mam bi yad. God kalöp u rö nöp manö aij nipe hagö, hon God nibi bi nipe ke midpun. Jisas nipe bi God manö aij dam ñeb bi u. Jisas nipe bi God nip nan sabe gep bi kub yabił u. Jisas manö aij niņ udun, God Manö hagöp rö nöp ginig gun u, nipe pör nöp hanip gi ñöb. Anib u, kale pör nöp Jisas nip nöp gasi niņöl gi midaimim.^t

² Mosis God manö haga u niņöm God nibi bi nipe udöm abad mid aij gimidöp. Anig unbö rö nöp Jisas God manö haga u niņöm magöņhalö gi aij ga. God Jisas nip wög anibu hag la. ³ Bi ap ram gi linab u, ram hib haglö adö aragnab; bi ram gi linab bi anibu nöp hib nipe haglö adö arnab. Adö anibu rö nöp, God Mosis nip ud aij göm gö, nibi bi Mosis bi

^p 2:11 Mad 25:40 ^q 2:12 Sam 22:22 ^r 2:13 Ais 8:17,18 ^s 2:14 1Jn 3:8; Rep 12:10

^t 3:1-2 Hib 4:14; 7:26; Nab 12:7

kub a gipal; pen Jisas hib kub yabił midöp rö, nibi bi hib nipe haglö adö lañol au arañ. ⁴Ram haneb ap ke waiö lagöp; bi geia midöp. Adö anibu rö nöp, nan nihön nihön midöp gau magöñhalö God nipe geia midöp.

⁵Mosis God nibi bi nipe añ au wög gi ñi aij göl gi, God hanip hainö manö nihön hagnab u, manö aij rimnap hag ña.“ ⁶Pen Kraiss God Ñi nipe yijig göl midöp u me, hanip God ił nipe midpun gau, bi ram nap nibö rö midöm abad mid aij göp. Nan aij hainö udnabun u niñ udun gasi halö mideinabun u, nibi bi nipe nöp mideinabun.

God manö aij u niñ udöl gi gimim, arö gagmim

⁷Anib u, Ana Uł haga rö niñun. Nipe haga,

“Ñin i God manö apdi niñeinabim u,
manö nipe u niñ udmim.”

⁸⁻⁹Napis nahai bi hadame nöp,

mi ñin juöl mihau ram minöñ kabö nöp midöp añ gau midlö,
kalip nan gagep rö gau göl gi, abad mid aij gainö u pen
God nipe hanip nihön ginab a göm, manö yad u niñagöm,
gasi kale ke nöp niñöm gilö armidöp.

Napis nahai bi gila rö u, kale God manö hag juagmim.”

¹⁰Anig gilö, yad napis nahai bi gau niñnö mulu lugö hagnö,
‘Kale pör nöp yip ji niñöm, manö yad hain gagpal,’ a ginö.

¹¹Anig gila u, yad kalip niñnö mulu lugö,
‘Ram minöñ aij aramöm, yad aip midöm,
ake löm mid aij göl a ginö u, aragnaböl,’ a ginö.

Manö klö hagem böñ nöp wasö ginö!” a ga.^x

¹²Anib u, añ mam bi. Nan si nan naj gimim, God kamiñ midöp u manö nipe u arö gimim, gasi kale ke niñmim rö löp u, niñ aij gimim.

¹³God Manö adiñ hagajin u, “Ñin i God manö apdi niñeinabim u, manö nipe u niñ udmim,” a göp. Anib u, uri hon “Ñin i” midpun u, pör pör ñin añi añi nañin namam gau aip Kraiss manö aij u hag amil apil göl gi, pen pen hag ñimim, gasi halö midmim. Wasö u, Seden kalöp nan si nan naj gep manö piral rimnap hagöm kalöp ñip gi ud arö Kraiss manö aij u arö ginabim.

¹⁴Nöd Kraiss manö aij nipe u niñun, manö nipe niñ ud pidöñ gun, nip cig aij gino u rö, hainö pör nöp klö gun anib unbö rö nöp Kraiss manö aij nipe u niñ ud pidöñ gun, nip cig aij gun gasi halö mideinabun u, Kraiss nibi bi nipe midun nip aip jim ñöl wög gipun.

¹⁵God Manö adiñ hagajin u hagöp,
“Ñin i God manö apdi niñeinabim u,
manö nipe u niñ udmim.

^u 3:5 Nab 12:7 ^v 3:7 Sam 95:7-11 ^w 3:8-9 Eks 17:7; Nab 20:2-5 ^x 3:11 Nab 14:21-23

Napis nahai bi hadame nöp,

God nipe hanip nihön ginab a göm, manö yad u niñagöm,
gasi kale ke nöp niñöm gilö armidöp.

Napis nahai bi gila rö u, kale God manö hag juagmim,” a ga.^y

¹⁶Mosis nipe Isrel nibi bi nöp udöm Ijip nibö daua nibi bi anib gau magöñhalö God manö niñöm ji niñla.^z ¹⁷Mi ñin juöl mihau Isrel nibi bi nöp nan si nan naij gi midlö, God kalip mulu lugöl gi midö niñöl gi, ram minöñ kabö nöp midöp añ gau midöm iru nöp um hakla.^a ¹⁸Pen Isrel nibi bi nöp pör nöp God nip ji niñöm, manö nipe hagöp rö gagla u me, God nipe manö klö hagöm, “Yad kalöp niñnö mulu lugö, ram minöñ aij arammim, yad aip midmim ake limim mid aij gimim a ginö u, aragnabim,” a göm, böñ nöp wasö ga. ¹⁹Anib u niñbun, manö nipe niñ udagla u me, am ram minöñ aij ake löm mid aij giblap au aröl rö laga.

4 ¹“Kale ram minöñ aij arammim, yad aip midmim ake limim mid aij ginabim,” a ga manö u Isrel napis nahai bi niñ udagla. Pen uri God hanip nöp manö niñö anibu hagöp. Anib u, kale magöñhalö niñ aij gimim, hon magöñhalö ram minöñ aij aramun, God aip midun ake lun mid aij gun, a gi gasi niñmim. Niñ aij gipe, God kalöp nibi bi añi ap, nan aij nöp ñinabin a ginö u udagnabön, a gagnim. ²God gö Krais manö aij u Isrel nibi bi kalip hag ñilö niñla rö, hanip u rö nöp Krais manö aij u hag ñilö niñno. Pen Isrel nibi bi Krais manö aij u niñöm, niñö hagöp a göm, niñ udagla. Anib u, Krais manö aij u kalip gi ñaga. ³Pen hon nibi bi Krais manö aij u niñun, niñö hagöp a gun niñ udpun gau, “Kale ram minöñ aij arammim, yad aip midmim ake limim mid aij ginabim,” a ga u, manö niñö anibu haga rö ginabun. God haga,

“Anig gila u, yad kalip niñnö mulu lugö,

‘Ram minöñ aij aramöm, yad aip midöm,

ake löm mid aij göl a ginö u, aragnaböl,’ a ginö.

Manö klö hagem böñ nöp wasö ginö!” a ga.

God anig haga u pen nipe hadame dagol gau ram minöñ i gi laga ñin u, nan magöñhalö ginab gau magöñhalö hadö gasi niñöm ginabin a ga.^b

⁴God Manö u adiñ ap amgö li niñmön, ñin mudun u manö rimnap niñnabön. Manö anibu kali kliš riköm hagla, “God ñin unbö kagoñ jñj ram minöñ nan gau magöñhalö gi li haköm, ñin mudun jñj u ake linam a göm, yiñariñ mideia,” a gila.^c

⁵Pen God Manö adiñ midö nöp hagajin anibu, God haga, “Ram minöñ aij aramöm, yad aip midöm, ake löm mid aij göl a ginö u, aragnaböl,” a ga.^d

⁶God gö Krais manö aij u Isrel nibi bi kalip hag ñila pen niñöm, niñö hagöp a göm, niñ udagla. Anib u me, ram minöñ aij aramöm, God aip

^y 3:15 Hib 3:7-8 ^z 3:16 Nab 14:1-35 ^a 3:17 1Ko 10:10 ^b 4:3 Sam 95:11; Hib 3:11

^c 4:4 Jen 2:2 ^d 4:5 Sam 95:11

midöm ake löm mid aij giblap u, aragla. Pen nibi bi ke nibö rimnap arnaböl. ⁷Anib u, nibi bi manö nipe niñöm arö gila gau umlö, mi iru nöp inö, bac itaŋ Depid God Manö kali kfiñ riköm, manö magö uri nöp hagajin u hagöm haga,

“Ñin i God manö apdi niñeinabim u,
manö nipe u niñ udmim.

God manö nipe niñmim
iru göp a gimim ji niñagmim,” a ga.

Pen God kauyaŋ u, “Ñin i” a ga u me, hon niñbun, ñin nipe nibi bi udnab ñin u auagöp; midep nöp midöp.^e

⁸Pen kale hagnabim, “God hadame nöp, ‘Ram minöŋ aij arammim, yad aip midmim ake limim mid aij ginabim,’ a ga u, bi kub Josua apis bac bi kalip dam ram minöŋ Kenan arö, mid aij gila adö u haga,” a ginabim. Pen ñin anibu nöp hagaga; kale amöm ram minöŋ Kenan midlö niñöl gi, manö anibu kauyaŋ haga.^f ⁹Anib u, God nipe ñin mudun u ake löm mid aij ga rö, nibi bi nipe u rö nöp ake löm mid aij ginaböl. ¹⁰God ñin kagoŋ jin wög göm, ñin mudun jin u ake löm yihariŋ mideia rö, nibi bi an an God ram minöŋ aij au arnaböl gau, kale anib unbö rö nöp wög geila u arö göm, ake löm, yihariŋ am nipe aip mid aij ginaböl.^g ¹¹Anib u, ram minöŋ aij anibu aramun, God aip midun ake lun mid aij ginabun a ga manö u, klö gun, niñ ud pidöŋ gun, God Manö hagöp rö nöp göl gi midaiun. Anig unbö rö ginabun u, Isrel nibi bi nöd God manö haga u niñ udagöm ram minöŋ aij aragöm, ap lug pakla rö u, hon nibi bi añi ap unbö gagnab.

¹²Nihön ginig: God Manö u kamiŋ nöp midöp. God Manö u, nan nihön ginig ginab. Ru milö kid gau magöŋhalö kaŋu göp; God Manö u kid yabiŋ. Aŋ hanip yaŋ amöm, gasi rimid midmagö ke löm ana ke löm ginab; aŋ hanip yaŋ amöm, le goŋ ke löm le cil ke löm ginab; aŋ hanip yaŋ amöm, gasi aij niñbun aka gasi naj niñbun u, ud höŋ lö niñ aij ginabun.^h

¹³Nihön nihön ginabun gau, God niñ midö niñöl gi ginabun; agamiŋ pi göl gun rö lagöp. Pen nipe nöp hanip manö kub göm, nihön nihön gipun manö u hag niñö niñöl gi nip hag ñinabun.

Jisas God nip nan sabe gep Bi Kub yabiŋ midöp

¹⁴Anib u, God Nip Nan Sabe Gep Bi Kub Yabiŋ hon u, God Ñi nipe Jisas u, amöm Nap aip midöp rö, Kraiss manö aij niñ udpun u, niñ ud pidöŋ göl gi midaiun.ⁱ ¹⁵God Nip Nan Sabe Gep Bi Kub Yabiŋ hon u apöm minöŋ it i midmidöp rö, nan si nan naj hanip lip gi ud arnim rö löp gau abe, marö hanip nihön nihön göp gau abe, nip u rö nöp ga u pen nipe gi naj gaga. Anib u, marö nihön nihön hanip ginab u, God Nip Nan Sabe Gep Bi Kub

^e 4:7 Sam 95:7-8 ^f 4:8 Dud 31:7; Jos 22:4 ^g 4:10 Hib 4:4 ^h 4:12 Ep 6:17; Rep 1:16; 19:13-15 ⁱ 4:14 Hib 3:1; 10:23

Yabił hon u niŋ aij göp rö, hanip mög yabił niŋöm, ¹⁶bi aŋ nibö hon aij yabił u midöp. Anib u, hon gac halö midpun u, God aninin göp Bi u nip piñiŋ gun, arö gagun. God hanip mög niŋöm, Ni nipe nip yuö apöm uma rö, God sea Kiŋ asik midöp söl au areinabun u, nipe hanip mög niŋöm ud aij göm abad mid aij gö agamij mid aij ginabun.^j

5 ¹Bi God nip nan sabe gep bi kub gau magöŋhalö, bi yihariŋ nibi bi aŋ gau nibö u pen God kalip hag lö, bi aŋ nibö midöm wög nipe u gipal. Nibi bi nan si nan naij gipal u niŋöm, kaj meme aka kaj sipsip dap bi God nip nan sabe gep bi kub ñilö, kale pen bid adö u pak lauöm, God nip sabe gi ñibal. Wög kale ap pen, nibi bi God nip gasi niŋlö aij gö, nan rimnap dap bi God nip nan sabe gep bi kub ñilö kale nan anib gau God nip sabe gi ñibal. ²⁻³Pen bi God nip nan sabe gep bi kub anib gau, bi yabił gau me, kale ke u rö nöp nan si nan naij gipal. Anib u, nibi bi rimnap gau nan si nan naij kale gipal u abe, kale ke nan si nan naij gipal u abe gasi niŋöm God nip nan sabe gi ñibal. Anib u, nibi bi niŋ aij gagpal gau ap lug pakniŋ rö geinaböl u, God nip nan sabe gep bi kub u kalip mög niŋöm, manö hain haggpal.^k ⁴Kale ke, bi kub midno a göm, wög anibu udagpal; God Eron nip hag lö wög anibu gimidöp rö, kalip aniŋ unbö rö nöp hag lö gipal.^l

⁵Adö anibu nöp, Kraiss nipe ke, yad bi God nip nan sabe gep bi kub yabił mideinam a göm hagaga; God nöp nip haga,

“Ne Ni yad;

miñi yad Nap ne,” a ga.

⁶Pen God Manö u adiŋ ap amgö li niŋun, God manö ap halö haga u niŋbun. Ni nipe nip haga,

“Melkisedek nipe yip nan sabe gep bi midmidöp rö u,

ne yip nan sabe gep bi pör pör nöp mideinabön,” a ga.^m

⁷Pen Jisas minöŋ naböŋ adö il i midöm, nip alniŋ geila, Nap nip miłöŋ göl gi, meg miŋan dap ranöm sabe göl gi mideia. Nap nip hag niŋöm haga, “Yip abad midaimön. Pen aniŋ aniŋ gimön hagagabin; ne ke niŋban rö yip gimön,” a ga. Jisas aniŋ hagö, God manö nipe niŋöm, hag niŋa rö nöp ga.ⁿ

⁸Jisas nipe God Ni nipe yabił u pen nipe miŋör udöm ułham midmidöp u, yad aige gö Nap manö hagnab rö ginabin a gi gasi niŋöm, aniŋ unbö rö nöp geia. ⁹Pen Nap manö niñon haga, magöŋhalö ga u me, nipe nibi bi manö nipe niŋ udöm hain gipal gau ud asik yuö, kale ram minöŋ aij kumi kabö adö laŋ au aramöm pör pör nöp kamiŋ nöp mid aij ginaböl. ¹⁰Pen adö anibu nöp, God Jisas nip haga, “Melkisedek nipe yip nan sabe gep bi midmidöp rö u, ne yip nan sabe gep bi kub yabił mideinabön,” a ga.

^j 4:16 Hib 10:19 ^k 5:2-3 Lep 9:7; 16:6 ^l 5:4 Eks 28:1 ^m 5:6 Sam 110:4; Hib 6:20; 7:1
ⁿ 5:7 Mad 26:36-46; Plp 2:6-8

God manö yuö yabił u niŋ aij gimim, niŋ ud pidöŋ gimim

¹¹Manö kali kliń rikabin anib i rö iru midöp u pen yiŋid niŋagpim u rö, ułham hagnö niŋnabim. ¹²Kalöp God Manö pör hag ñibun u niŋ aij gimim nibi bi rimnap kalip hag ñibep u pen yiŋid niŋagpim rö, manö nöd niŋeb gau kalöp kauyaŋ hag ñun rö lõp. Miñi nan kłö ñiŋbep rö u pen ci niŋ nöp midpim.^o ¹³Ñi paiŋaŋ ci niŋ nöp midpal gau, nagi adö u aij, nagi adö u naij a göm niŋagpal. ¹⁴Pen nibi bi gasi halö gau gi damöm, adö u gep, adö u gagep a göm niŋ aij gipal. Kale nan magö yabił niŋbal.

God manö yuö u niŋ udun

6 ¹Krais manö aij kalöp pör hag ñibal gau, kauyaŋ hagem kauyaŋ hagem hagagnabin. Ram ginig, padö biniŋ göm kauyaŋ ud juöm, kauyaŋ u biniŋ göm, kauyaŋ u biniŋ göm gagpal. Anib u, hon ke nöp kliń aij gun me, God nibi bi nipe mideinabun a gun gasi niŋmidun u böŋ nöp arö gun, God Ñi nipe nip yuö hanip a göm uma manö aij u böŋ nöp niŋ udun. Padö u ud juöl, rol göl, ud juöl, rol göl, unbö gagun. ²Ñig pakpal manö u; God kalip ud aij ginim a göm ñimagö nabic adö libal manö u; nibi bi umöm urakpal manö u; God nibi bi magöŋhalö manö kub hagöm kalip nime lö rimnap ilön pör udnaböl manö u; manö anibu kauyaŋ hagagnabin. Krais manö aij nöd niŋbe anib gau, gasi niŋ nöp midöl gi, Krais manö aij rimnap halö niŋnabim u aij. ³Anib u, God hanip abad midö niŋöl gi, Krais manö aij rimnap halö hag ñino niŋnabim.

⁴Nibi bi Krais manö aij nipe niŋ udöm, hainö arö ginaböl gau, kale kauyaŋ nan si nan naij gipal u mög niŋöm, Krais manö aij nipe u niŋ udagnaböl. Kale God mailö aij nipe u hadö niŋla; God nan aij kumi kabö adö laŋ nibö ñöb u hadö niŋla; Ana Uł nipe kalip aŋ daŋ hadö aua. ⁵God Manö aij u dö yabił göp u hadö niŋla; God nipe nibi bi ram minöŋ it i abad midnig gab u, kłö nipe u hadö niŋla. ⁶Nan anib gau magöŋhalö hadö niŋla u pen Krais manö aij u arö gila. Anib u, kale kauyaŋ nan si nan naij gipal u mög niŋöm, Krais manö aij nipe u niŋ udagnaböl. Nihön ginig: God Ñi nipe u kauyaŋ mab kros ba laŋ al pak lilö nibi bi gau nip hag junaböl.^p

⁷Minöŋ au yiŋ yimlö, möŋ paköl gi paköl gi, yiŋ ran aij göm nan magö pil aij gö, nibi bi ñi pai wög anibu niŋniŋ gaböl gau niŋöl. Anig gö God minöŋ anibu ñiñi lõm nan aij ñinab. ⁸Pen minöŋ au yiŋ yimlö, möŋ paköl gi paköl gi, kipił kali kali halö gau nöp ranö, nan magö pilagnab u, minöŋ anibu minöŋ naij yabił. God minöŋ anibu manö kłö hagö mab ke yaŋ innim rö lõp.^q

^o 5:12 1Ko 3:1-3 ^p 6:6 Mad 12:31; Hib 10:26-27; 1Jn 5:16 ^q 6:8 Jen 3:17-18

⁹Pen bi niḡeb aij yad gau. Manö kub rö hagabun u pen kale ke Kraiss manö aij u arö ḡipim a gun hagagabun; niḡ aij ḡimim a gun hagabun. Nihön ḡiniḡ: Kraiss nibi bi niḡe midmim, nibi bi niḡe gau ḡipal rö ḡipim u niḡbun. ¹⁰God haḡwaḡö ḡagnab; hagöp rö nöḡ ḡinab. Kale nöḡ God niḡ wög ḡimim, midmagö limim, nibi bi niḡe kalip ud aij ḡimim ḡi ḡiḡe u abe, miḡi u rö nöḡ ud aij ḡimim ḡi ḡiḡim u abe, niḡe hauḡ ḡagnab.^r ¹¹Pen hanip aij ḡinab u, kale magöḡhalö adö anibu nöḡ pör nöḡ ḡöl ḡi mid dammim mid dammim, amun God aip pör nöḡ mid aij gun a ḡimim ḡasi niḡbim rö, ḡinab.

¹²Kalöp iru maru ḡinim rö löp u, niḡ aij ḡimim. Kraiss manö aij niḡe u niḡ ud pidöḡ ḡöm, marö auö klö ḡöm ḡasi halö midpal nibi bi gau, God nan aij ḡinabin a ga u udnaböl. Kale anib unbö rö nöḡ ḡöl ḡi midpe, kalöp nan aij anibu ḡinab.

¹³God bac iḡaḡ Ebrahim niḡ manö niḡö u hagnig, bi kub God rö ap halö midageia niḡöm, nibi bi rimnap hib kale hagaga; hib niḡe ke hagöm haga, ¹⁴“Yad midpin rö, nöḡ manö niḡö yabiḡ hagabin, nöḡ abad midnö niḡöl ḡi, nibi bi ne iru yabiḡ mideinaböl,” a ga.^s ¹⁵Ebrahim manö niḡe anibu niḡöm, aḡamij abad midö midö, God nan aij haga u uda.

¹⁶Hon nibi bi, manö klö niḡö yabiḡ hagnig, bi kub ap hib niḡe hagnig, niḡö yabiḡ hagabun a ḡipun. Anig ḡino, nibi bi gau niḡöm, u rö nöḡ u niḡö yabiḡ hagaböl a gal. ¹⁷Anibu rö, God hib niḡe ke hagöm, “Yad midpin rö, nöḡ manö niḡö yabiḡ hagabin,” a ga u, nibi bi gau ḡi pai yag daunaböl gau, yad ḡasi hain niḡem adö ke ḡagnabin u, niḡ aij ḡöl a ḡöm, manö anibu rö haga. ¹⁸Anib u, hon nibi bi nan si nan naiḡ gun, piḡig God niḡ lau adö aubun gau, niḡö nöḡ nan aij kalip ḡinabin a ga u udnig gabun a gun, ḡasi halö midaiun. God hib niḡe ke hagöm, yad midpin rö, a ga; nöḡ manö niḡö yabiḡ hagabin, a ga. Manö miḡöp haga u, God manö piral hagnim rö lagöp. Ke ḡagnab.^t ¹⁹God Ram Magö Raul Miḡan Uḡ Ke Yabiḡ u waḡij bad yuö yuö ḡö, niḡ amḡö niḡagpun u pen manö niḡö yabiḡ u hagö, ḡasi aḡi anibu nöḡ niḡun, ḡasi halö niḡe abad midpun. Manö niḡö yabiḡ anibu, God ram magö raul miḡan niḡe u aröp u me, kabö klö rö midöp; aḡ aḡa ḡagnab.^u ²⁰Melkisedek niḡe bi God niḡ nan sabe ḡep bi midmidöp rö u, Jisas niḡe God Niḡ Nan Sabe ḡep Bi Kub Yabiḡ hon u löm, God Ram Magö Raul Miḡan Uḡ Ke Yabiḡ u nöḡ amöm, hanip a ḡöm Nap niḡe sabe ḡöl ḡi midöp. Niḡe God Niḡ Nan Sabe ḡep Bi Kub Yabiḡ pör pör nöḡ mideinab.

Kiḡ ap bi God niḡ nan sabe ḡep bi midmidöp

7 ¹Melkisedek anibu niḡe Kiḡ midöm, nibi bi ram minöḡ Salem abad midöl ḡi, bi God klö halö yabiḡ u niḡ nan sabe ḡep bi u u rö nöḡ

^r 6:10 Hib 10:32-34 ^s 6:14 Jen 22:16-17 ^t 6:18 Nab 23:19 ^u 6:19-20 Lep 16:2-3

midmidöp. Pen Kiñ rimnap apöm, bac itaŋ Ebrahim niþ gi naij geila, kalip yu gi yuöm, nan aij aij kale gau dap auö niñöl gi, Melkisedek apöm niþ adan aŋ au niñöm, God niþ sabe göm, Ebrahim niþ abad midaimön a ga.² Melkisedek aniñ ga niñöm Ebrahim nan piñ gi daua gau, magöñhalö nime li Melkisedek niþ magö añi ap ñöm, nipe ke magö unbö ajiþ laŋ uda. Pen Melkisedek hib nipe u it mihöp midöp. Hib nipe Melkisedek u ud ado göm, “Kiñ Aij Yabiñ Nöp Göp” a giþal. Pen nipe ram minöŋ Salem Kiñ midmidöp u, hib aniþu ud ado göm, “Kiñ Agamij Midep Magö Ñöb” a giþal.

³Melkisedek nipe bi God niþ nan sabe gep bi u pen nime it u aniñ göl midöp, nap nihi it u aniñ göl midöp a göm haglö niñagpun. Pen niþ kali kliñ rikla ñin u, nime yag daua ñin u a göm haglö niñagpun; uma ñin u a göm u rö nöþ haglö niñagpun. Nipe pör nöþ bi God niþ nan sabe gep bi midöp rö, nipe God Ñi nipe rö midöp.

⁴God bac itaŋ Ebrahim niþ niñö aij gö, bi kub mideinabön a ga u niñbun nipe bi kub mideia. Pen Ebrahim Melkisedek niþ bi kub yabiñ mideia u niñöm, nan piñ gi daueia gau, nime li niþ magö añi ap ñöm, nipe ke magö unbö ajiþ laŋ uda.

⁵U nöð yabiñ aniñ ga. Hainö Mosis niþ yag daueila kub göm, God Manö u adiñ ap kali kliñ riköm haga, “Ebrahim rikö rik damöm, niþi bi Lipai it midpal gau God niþ nan sabe gep wög gi midlö niñöl gi, kale Isrel niþi bi gau magöñhalö, mani nan niñön niñön udnabim gau, kalip nime li magö añi añi dap ñimim, kale ke unbö ajiþ laŋ u udmim,” a ga. Aniþ u, hon Mosis lo adö u niñun niñbun, kale magöñhalö Ebrahim it nipe midmidal u, pen namam Lipai it midmidal gau kalip pör magö añi ap nime li ñimidal.^w

⁶Pen God bac Ebrahim niþ haga, “Niþi bi ne gau ud aij ginabin,” a ga. God manö haga ñin u, Ebrahim nipe bi rimnap kalip nan ñagmidöp; pen Melkisedek apöm Ebrahim niþ niñöm, God niþ sabe göm, Ebrahim niþ abad midaimön a gö, Ebrahim nan daua gau magö añi ap nime li Melkisedek niþ ña. Pen Melkisedek Lipai it bi ap midagmidöp. ⁷Hon niñbun, bi ap apöm bi ap God niþ sabe göm, bi aniþi niþ abad midaimön a geinab u, bi God niþ sabe ginab u bi kub, bi ap bi pro. Aniþ u, hon niñbun Melkisedek bi kub, bac Ebrahim bi pro. ⁸Bi Lipai it Isrel niþi bi magö añi nime li ñimidal u udöm, mid damöm miþep löm umla. Pen Melkisedek nipe Ebrahim magö añi ap nime li ña uda u, God Manö u kali kliñ riköm, Melkisedek umöm wög nipe arö ga a göm, hagagla.

⁹⁻¹⁰Ebrahim Melkisedek niþ nan nime li ña aniþu, ñi pai rik dauaga ñin u ña. Hainö me, Aisak niþ rikö, Aisak pen Jekop niþ rikö, Jekop Lipai niþ rikö, rik amil aþil gilö, Lipai bi aniþ gau God niþ nan sabe gep bi wög

^v 7:1 Jen 14:17-20 ^w 7:5 Nab 18:21

gilö niñöl gi, Isrel nibi bi gau mani nan kale gau kalip nime li ñimidal. Pen Ebrahim Melkisedek nip nan nime li ña u, kalip rik dauagla magö u ña u me, Ebrahim abe, bac nipe Lipai it abe, Melkisedek nip nime li ñeb rö nöp mideila u niñbun.

Bi God nip nan sabe gep gisön nibö u, bi nöd nibö gau ka kalip u uda

¹¹Mosis God Manö kali kñiñ riköm, anig anig gimim a ga niñöm, Juda nibi bi kaj meme kaj sipsip nan gau damöm, Lipai it God nip nan sabe gep bi gau kalip ñilö, kale pak lauöm God nip sabe gi ñimidal. Kale anig göl God nibi bi nipe midaiblap, God Bi hain nibö Melkisedek rö ke ap yuagbö; Lipai bi gau, God nip nan sabe gi ñöl gi nöp midaiblap. Pen God Bi hain nibö Melkisedek rö ap yua. ¹²Bi God nip nan sabe gep hain nibö anibu apöm, bi God nip nan sabe gep nöd nibö gau ka kalip udeinab u, lo hain nibö u rö nöp apöm, lo nöd nibö u ka u udnim.

¹³Pen God Manö adiñ hagajin i, bi God nip nan sabe gep hain nibö u, Bi Kub hon u nöp. Lipai nibi bi it u rik damöm nip rik dauagla; Bi Kub hon it nipe u bi añi ap God nip nan sabe gep wög u gaga. ¹⁴Juda nibi bi it u nöp rik damöm Bi Kub hon nip rik daula. Pen Mosis bi Juda it rimnap God nip nan sabe gep wög göl a göm manö rimnap hagaga.^x ¹⁵Pen Bi God nip nan sabe gep hain nibö anibu, Melkisedek bi God nip nan sabe gep midmidöp rö midöp u me, nan hagabin anibi waiö yabiñ midöp. ¹⁶Bi Kub hon u, bi it nihön midöp lo ap hagö, God nip nan sabe gep bi ap midagöp. Pen nipe bi ktö ke halö midöp, nan ap nip al pak linim rö lagöp u me, God nip nan sabe gep bi ap midöp. ¹⁷Nihön ginig: God Manö adiñ ap kali kñiñ riköm, God manö rimnap Krais nip haga u kali kñiñ riköm hagla,

“Bi yip sabe gep Melkisedek rö
pör nöp mideinabön,” a ga.

¹⁸Lo God Mosis nip hagö Mosis nibi bi kalip hag ña lo anibu, nihön ginig geia u ginim rö laga; manö yihariñ rö la u me, God nipe ud ke gau la. ¹⁹Lo God Mosis nip hagö Mosis nibi bi kalip hag ña lo u, nan najj gau ap ud gö aij rö laga. Pen God nipe nan aij hanip ñöb; nan nöd nibö u wasö. Anib u, gasi halö midpun. Nan aij hain nibö u niñ udun, God midöp au söl aunabun.^y

²⁰Bi God nip nan sabe gep nöd nibö gau wög kale nöd udla ñin u, God manö ktö rimnap hagaga. Pen Bi Kub hon God nip nan sabe gep bi la ñin u, God manö ktö ke hagöm haga. ²¹Bi Kub hon God nip nan sabe gep bi linig, God manö ktö ke hagöm haga,

“Yad Bi Kub, yad manö niñö yabiñ hagabin;
hainö manö ap ke hagagnabin.

^x 7:14 Ais 11:1; Mad 2:6; Rep 5:5 ^y 7:19 Hib 9:9

Ne pör nöp yip nan sabe gep bi mideinabön,” a ga.^z

²² God manö klö hagöm manö niñö yabił haga u me, hon niñbun Jisas uma u me, God manö hain nibö aij yabił u ud ke gau lagnab.^a

²³ Bi God nip nan sabe gep nöd nibö gau, iru nöp rö wög anibu udla. Ap umö, bi God nip nan sabe gep hain nibö ap haglö, wög anibu gi midmidöp; u umö hain nibö u midmidöp; u umö hain nibö u midmidöp. Anibu me, ap pör midagmidal. ²⁴ Pen Jisas anibu rö gagöp; nipe pör kamiñ midöp u rö, wög anibu arö gagöp. God nip nan sabe gep bi pör nöp mideinab. ²⁵ Jisas pör nöp kamiñ mideia, uri kamiñ midöp, hainö pör nöp kamiñ mideinab u me, nibi bi God nibi bi nipe midnig, Jisas kalip a göm uma manö aij u niñ udeinaböl u, nipe pör nöp kalip ud asik yunim rö löp.^b

²⁶ Jisas nipe bi uł yabił; nipe nan si nan najj pro pro rimnap gagöp; nipe asiñ midagöp. Jisas ram minöñ ił i nibi bi nan si nan najj gipal gau aip mideia u pen God nip ud ke dam ram minöñ aij kumi kabö adö lagod au la. God Nip Nan Sabe Gep Bi Kub Yabił hon me u. Hanip gi ñi aij ginim rö löp. ²⁷ Bi God nip nan sabe gep bi kub yabił yihariñ gau, ñin añi añi pör nöp nan si nan najj kale ke gipal rö, nan pak God nip sabe gi ñöm, hainö nibi bi ke nibö gau nan si nan najj gipal rö, nan pak sabe gi ñibal. Pen Jisas hanip nibi bi gau magöñhalö, nan si nan najj gipun u niñöm, mañ añi yabił mab ba lañ nip ke sabe gi ña. Me aij!^c

²⁸ Lo God Mosis nip hagö Mosis nibi bi kalip hag ña lo u hagöp rö göm, bi nan si nan najj gipal gau kalip hag lilö, kale bi God nip nan sabe gep bi kub yabił midpal. Pen hainö u, God manö ke klö hagöm manö niñö yabił haga u, God Ni nipe ke hag la. God nan nihön nihön Ni nipe ginig gab a göm gasi niña u, Ni nipe nan magöñhalö ginim rö löp.

Jisas nipe God Nip Nan Sabe Gep Bi Kub Yabił hon

8 ¹ Pen manö hagabun ił u anig göl midöp: God Nip Nan Sabe Gep Bi Kub Yabił hon u amöm God kumi kabö adö lañ au mailö halö midöp u ñimagö yijig böñ lau adö asik midöp. ² God Nip Nan Sabe Gep Bi Kub Yabił hon anibu, nipe God sabe gep ram au wög göp. God sabe gep ram au wög göp u, nibi bi gi lagla; God sabe gep ram niñö u, God Bi Kub nipe ke gi la.

³ Bi God nip nan sabe gep bi kub yabił minöñ adö ił i gau magöñhalö, nibi bi nan si nan najj gipal gau kaj meme aka kaj sipsip nan gau dap nan sabe gep bi kub yabił ñilö, kale pen rimnap pak God nip aij a göm sabe gi ñimidal; rimnap pen pak nan si nan najj göm gac halö midpal u God niñmön arö ginim, a göm, bid adö u pak lauöm God nip sabe gi ñimidal. Anib unbö rö nöp, God Nip Nan Sabe Gep Bi Kub Yabił hon nan rimnap

^z 7:21 Hib 5:6 ^a 7:22 Hib 8:6; 12:24 ^b 7:25 Ro 8:34 ^c 7:27 Hib 5:3

God nip ñinig ga. ⁴Jisas ram minöŋ kumi kabö adö laŋ midöp u me, nipe God Nip Nan Sabe Gep Bi Kub Yabił midöp. Pen nipe ram minöŋ ił i midböp, God nip nan sabe gep bi ap midagaiböp. Nihön ginig: God haga rö, bi Lipai ił yag daubal gau nöp, God nip nan sabe gep wög göl gi, Mosis lo manö kali kliš rika rö niŋöm, nan pak God nip sabe gi ñibal. ⁵Pen minöŋ naböŋ adö ił i God nip nan sabe gep wög gipal u, ana ral niŋöm gipal rö nöp gipal; nan yabił u ram minöŋ kumi kabö adö laŋ au midöp. Adö anibu nöp, Mosis God sabe gep sel ram u ginig ga u, God nip haga, “Nö ilö gau midmön, yad nöp yamnö niŋna rö nöp magöŋhalö anib unbö rö nöp gimön,” a ga.^d

⁶God Nip Nan Sabe Gep Bi Kub Yabił hon Jisas, bi God nip nan sabe gep bi kub yabił nöd nibö gau gimidal rö gagab; nipe wög kub yabił gab. God Nip Nan Sabe Gep Bi Kub Yabił hon Jisas gö God nibi bi nipe udnab manö u, Mosis kali kliš rika manö u rö midagöp. God nibi bi nipe udnab manö u hagnig, nipe manö kłö hagöm haga, “Yad kalöp manö niŋö hagabin, nibi bi yad kalip nan aij yabił ñinabin,” a ga.^e

⁷Pen God manö nöd hag la u aij gaiböp, manö gisön nibö u dauagböp. ⁸Nibi bi gau mid aij gagla rö, God kalip hag ginig, bi manö hagep nipe ap gasi ñö, God Manö kali kliš riköm haga,

“Yad Bi Kub kalöp hagabin,
hainö yad Isrel nibi bi gau abe
Juda nibi bi gau abe
kalip manö aij gisön nibö hagnabin.^f

⁹Nipis nihi iłan gau kalip ñimagö adö lem
ud Ijip nibö daunö u
pen manö hag adö aňi lem hagnö u niŋageila u me,
yad kalip arö ginö.
Anib u, manö anibu rö,
kalip kauyaŋ hagagnabin.

¹⁰Yad Bi Kub kalöp hagabin,
hainö yad Isrel nibi bi gau
kalip manö hain nibö hagem manö hag adö aňi lem,
lo yad u gasi midmagö aŋ kale daŋ li ñinö,
niŋ aij göm gasi niŋöl gi mideinaböl.
Anib u, yad God kale mideinabin;
kale nibi bi yad mideinaböl.

¹¹Ñin anibu, nibi bi yad gau,
nimdamam nibi bi rimnap kalip,
‘Bi Kub nipe God u niŋ udmim,’ a göm, hagagnaböl.
Nihön ginig: nibi bi pro abe, nibi bi kub abe,

^d 8:5 Kol 2:17; Hib 9:23; Eks 25:40 ^e 8:6 Hib 7:22 ^f 8:8-12 Jer 31:31-34

kale magöŋhalö yip niŋnaböl.

¹² Nan si nan najj gipal gau,
kalip mög niŋem arö ginabin.

Nan si nan najj gipal gau

gasi niŋöl gi midem kalip manö kub hagagnabin,” a ga.

¹³ God nipe manö aij hain nibö anibi hag löm, “manö aij gisön nibö”
haga u me, hon niŋbun manö nöd nibö u miŋi ram luö göp rö wög
midagöp a ga; nan luö göp u söl böŋ nöp ur ginig gab.

**God nip nan sabe gep bi nöd nibö gau, meme sipsip
hagape u udöm, God nip sabe gi ñila**

9 ¹ God manö aij nöd haga adö u hain göm, God nip sabe ginig geila
u, yihariŋ sabe göl rö laga; kliŋ aij göl gi nöp sabe gimidal. God
nipe hagö, sel ram ap gi löm am nip sabe gila.^g ² Sel ram anibu, ram raul
miŋan mihöp geila. Ram magö raul miŋan ap gi löm, Ram Raul Miŋan
Uŋ u a gila. Raul miŋan anibu hapö miŋaŋ lauep nan ap löm, abaŋ bad ap
löm, God nip sabe gi ñeb bred u pör pör dam abaŋ adö anibu limidal.

³ Pen ram magö raul miŋan ap, waŋij kub yabiŋ u piŋ gila. Raul miŋan
anibu, Ram Raul Miŋan Uŋ Ke Yabiŋ u a gila.^h ⁴ Raul miŋan anibu, mab
abaŋ bad ap gi löm, kabö gol ud pak goŋ bad löm magöŋhalö hari göl,
nan haŋij aij auöp u adö anibu laumidal. Kes kabö gol udöm gila kub ap,
God Manö Aij Kes Magö a gimidal u, u rö nöp mideia. Kes miŋan anib
yaŋ, God lo manö kali kliŋ rika kabö miŋau u abe, Eron ilöŋ adiŋ ud
ajep marep ga u abe, nan mana rin kabö gol udöm gila miŋan u rim leila
mideia u abe lilö midmidöp.ⁱ

⁵ God midöp i a göm, Kes Magö mideia adö adö au gilaŋ, ejol rö miŋau
auan bad halö böŋ böŋ geila. Nan si nan najj gipun gac u, God niŋöm arö
gaŋ a göm, hagape pro pro dap sabe gi ñimididal aŋ anibu. Nan anib gau
manö u, miŋi hag milöbö lem kali kliŋ riknam rö lagöp.^j

⁶ Pen nan anib gau magöŋhalö gilö midö niŋöl gi, bi God nip nan sabe
gep gau pör pör, sel ram raul miŋan höŋ adö u amöm, God nip wög u
gimidal.^k ⁷ Pen bi God nip nan sabe gep yihariŋ anib gau, ram raul magö
aŋ yaŋ aröl rö laga. Mi aŋi aŋi, God nip nan sabe gep bi kub yabiŋ u nöp,
sipsip hagape dam nöp, raul miŋan anibu armidöp. Nan si nan najj nipe
ke ga gau gac u abe, niŋi bi niŋ aij gagöm nan si nan najj gila gau gac u
abe God niŋöm arö ginim a göm, hagape u dam raul miŋan anibu amöm,
God nip sabe gi ñimidöp.^l ⁸ Ga anibu, Ana Uŋ u hanip yamö niŋbun, sel
ram anibu ram raul miŋan mihöp halö midmidöp rö, Ram Raul Miŋan
Kamiŋ Aij Uŋ Ke Yabiŋ anibu aröl rö laga. ⁹ Pen gimidal anibu, God hanip

^g 9:1-2 Eks 26:1-30; 25:23-40 ^h 9:3 Eks 26:31-33 ⁱ 9:4 Eks 16:33; 25:10-16; 30:1-6;
Nab 17:8-11; Dud 10:3-5 ^j 9:5 Eks 25:18-22 ^k 9:6 Nab 18:2-6 ^l 9:7 Lep 16:2-34

nibi bi miñi midpun ñin i gasi niñun a göm haga. Pen nan ñimidal u abe, kaj meme kaj sipsip nan gau damöm, pak God nip sabe gimidal u abe, nan si nan naj gilö gac midmagö añ kale dañ mideia u ñik gi yuö, God nibi bi asiñ midagöp nipe midaiöl rö laga.^m 10 Anig gimidal u, kale yihariñ nan ñiñeb, ñig ñiñeb, ñig pakep, nan adö adö gau nöp niñöm gimidal. Lo manö nöd nibö anib gau niñöm nan kliñ aij gimidal anibu, yihariñ God manö aij gisön nibö hagnig ga manö anibu abad midöl gi, ana rö niñöm gipal rö u gimidal.

**God nip nan sabe gep bi hain nibö u, hagape
nipe u ke dam God nip sabe gi ña**

11 Pen Krai geia nan aij hadö aua gau, nipe ke nan aij gau God Nip Nan Sabe Gep Bi Kub Yabiñ midöp. Pen ram nipe au bi añ nibö hon midöm hanip gi ñab ram anibu, nibi bi gi lilö sel ram nöd nibö midmidöp rö midagöp; God minöñ naböñ i gi löm, Krai wög gab ram u gi laga. Krai wög gab ram u ram aij unbö ke. 12 Krai kaj meme kaj kau pi paköm, hagape dam God nip sabe gimidal rö gaga; hagape nipe u ke yua u nöp God nip sabe gi ña. Pen bi God nip nan sabe gep nöd nibö gau pör pör nöp hagape hoñ göm sabe gi ñimidal rö gaga; hanip ud God aip jim ñiniñ, hagape nipe ke mañ añi yabiñ dam Ram Raul Miñan Uñ Ke Yabiñ lañ ara u me, hon pör pör nöp kamiñ midaiun rö löp.

13 Nibi bi lo nöd nibö niñöm nan kliñ aij giñlap rö gagöm asiñ midmidal nibi bi gau aulö, bi God nip nan sabe gep gau, ñin rimnap kaj meme ap pak hagape u udöm, nibi bi anib gau yuö pismas gi paköm kamiñ limidöp; ñin rimnap kaj kau niñar ap pak hagape u udöm, anig gimidal; ñin rimnap kaj kau neb pi ap mab laulö böñ nöp in bic rika bad rimnap udöm, ñig halö uñ mañ göm udöm u rö nöp nibi bi kalip gau yuö pismas gi paköm kamiñ limidöp.ⁿ 14 Hagape yihariñ pismas gi yuö kamiñ limidöp anibu niñun niñbun, Ana pör pör nöp midöp u Krai Bi Uñ Ke Yabiñ u aip midöm, hanip a göm umö, hagape yua u hanip gö, nan si nan naj gipun gac u midmagö añ hon dañ midöp u ñik gi yuö, nagi ubiñ ap lug paköm umnaböl adö u arö gun, God pör kamiñ midöp u nip nöp wög gi ñun.^o

Krais hagape nipe yua rö, hanip God aip ud jim ñöl la

15 Krai God manö aij gisön nibö dapöm bi añ nibö midöp u, God nibi bi yad udnam a göm hag la gau, kalip nan aij ñinabin a ga nan gau udnaböl a göm göp. Krai uma u me, nibi bi Mosis lo manö ña u riñ juöm, nan si nan naj gipal gau gac anibu ñik gi yunim rö löp.

16-17 Nibi bi rimnap manö klö hagöm hagpal, “Yad umnö, nan yad gau hagpin rö nime limim,” a gilö, manö anibu niñöm, yihariñ nöp midlö

^m 9:9 Hib 10:1-2 ⁿ 9:13 Lep 16:15-16; Hib 10:4; Nab 19:9,17-19 ^o 9:14 1Pi 1:18-19

midlö, böŋ nöp umlö nöp, hagpal rö nime libal. Kale kamiŋ midlö niŋöl gi, nan kale nime lagpal. ¹⁸Anib u rö, God manö aij nöd nibö Isrel nibi bi kalip haga u, nan ap dap paklö hagape lugö uma me, manö anibu pidön ga.

¹⁹God Mosis nip hagö Mosis lo manö köp kali kliñ rika. God manö anibu hagö, Mosis niŋöm manö anibu magöŋhalö nibi bi gau magöŋhalö kalip hag ñi nabön juöm, kaj kau pi pak hagape udöm, kaj meme pak hagape udöm, ñig rimnap halö hoŋ göm, nan hisop a gal lö kid u udöm, sipsip uŋ u ud adiŋ laŋ adiköm, ñig hagape anibu rauöm, lo manö köp anibu abe, nibi bi apöm mideila gau magöŋhalö abe yuö pismas gi pakö haga,^p ²⁰“Hagape yunö köp abe kalöp abe pismas gi pakab anib i, God manö aij u klö hagöm hagöp u, kale anib unbö rö nöp gimim a ga u, hadö niŋbun a gem yuabin,” a ga. ²¹Pen hagape rimnap udöm, God sabe gep sel ram u yuö pismas gi paköm, nan nihön God nip nan sabe ginig lila ram anibu mideia gau magöŋhalö yuö pismas gi paköm ga.^q ²²Lo manö Mosis kali kliñ rika anibu amgö li niŋun niŋbun, nan nihön God nip nan sabe ginig lila ram anibu mideia gau magöŋhalö rö, ke uł aij midageia; hagape ud yulö pismas gi pakö nöp, uł aij midmidöp. Lo manö Mosis kali kliñ rika anibu amgö li niŋun niŋbun, nibi bi nan si nan naj gilö, nan ap dap paklö hagape lugö me, gac anibu hik gi yumidöp.^r

Krais hanip a göm umöm, gac hanip hik gi yuöp

²³Nan anib gau, nan ram minön kumi kabö adö laŋ au midöp gau ana rö niŋöm gipal rö nöp midmidöp. Pen nan ana rö midmidöp gau, sipsip ap hagape lugö me, gac anibu hik gi yua u me, nan yabił u ram minön kumi kabö adö laŋ au midöp u, nan yihariŋ anib rö wasö, nan aij ke yabił sabe gi ñeb.^s ²⁴Sel ram nöd nibö Isrel nibi bi gi löm God nip sabe gi ñimidäl u, nan ram minön kumi kabö adö laŋ au midöp gau ana rö niŋöm gipal rö nöp mideia. Pen Krais ram miŋan raul anibu rö araga. Niŋe ram minön kumi kabö adö laŋ au aramöm, uri hanip bi aŋ nibö rö midöm God midöp aip midöp. ²⁵Isrel God nip nan sabe gep bi kub yabił gau, mi añi añi, hagape kale ke wasö, sipsip nan gau paköm hagape udöm, God nip sabe gi ñinig, Ram Raul Miŋan Uł Ke Yabił raul miŋan u armidäl. Pen Krais adö anibu rö, ñin iru nöp nip ke sabe gi ñinig ram minön kumi kabö adö laŋ au araga. ²⁶Kale gimidal rö, Krais abe unbö rö giböp u, God hadame dagol gau minön nabön i gi la ñin u riköm, mid damöm midpun ñin i, Krais pör pör mi añi añi hanip a göm, ilön kub udöm umböp. Pen uri ñin hain nibö midpun i, nan si nan naj gac u, nibi bi nöd midmidäl gau gila, nibi bi uri midpun gau gipun, nibi

^p 9:19-20 Eks 24:6-8 ^q 9:21 Lep 8:15,19 ^r 9:22 Lep 17:11 ^s 9:23 Hib 8:5; 10:1

bi hainö mideinaböl gau ginaböl, nan si nan najj gac u magöñhalö, mañ añi yabił nibi bi magöñhalö a göm ram minöñ it i apöm uma.⁴

²⁷Nibi bi gau magöñhalö mañ añi yabił umöm, hainö manö kub u niñnaböl rö, ²⁸Krais niñe mañ añi nöp nibi bi nan si nan najj gac kale magöñhalö ðik gi yunig uma. Niñe bi añi nöp; kale nibi bi iru yabił. Krais kauyañ aunab. Pen kauyañ ado gi aunab ñin u, nibi bi nan si nan najj gipal gau kalip kauyañ nan sabe gi ñinam a göm auagnab; niñe aniñ hadö böñ nöp ga. Pen nibi bi niñ aij gö niñöl gi abad midpal gau kalip böñ nöp udöm nan aij ñinabin a ga u ñinig aunab.

Sabe gep nöd nibö u, nan si nan najj gac u ðik gi yuagnab

10 ¹Mosis lo manö kali kñiñ rika rö niñöm, sipsip nan gau pak sabe gipal u, yihariñ hainö gau ginig gab u ana ral niñöm gipal rö gipal. Gipal anibu, mi añi añi pör gipal. Anib u, nibi bi God niñ aunig gaböl gau, nan sabe gep lo gau hain göm, God nibi bi asiñ midagöp niñe midöl rö lagöp. ²Sipsip nan gau pak God niñ sabe gi ñilö, God nan si nan najj gac kale u böñ nöp ðik gi yuböp u, gasi iru niñöm, kauyañ gun kauyañ gun a göm gagblap; mañ añi ap nöp göm arö giñlap. ³⁻⁴Kaj kau nibar hagape u abe, kaj meme hagape u abe, nan si nan najj gipal gac u ðik gi yunim rö lagöp u me, mi añi añi pör nöp nan gau pak God niñ sabe gipal u, kale nibi bi nan si nan najj gac halö midpal u hauł göl rö lagöp.”

⁵Anib u, Krais minöñ naböñ adö it i aunig göm, niñe God niñ haga, “Nibi bi kale sipsip nan gau pak nöp sabe gipal u nöp aij gagöp.

Nibi bi nan nöp ñeb ap dam nöp ñibal u nöp aij gagöp.

Pen ne yip bi hañ romañ ap gi liban.”

⁶Pen kaj kau kaj sipsip nan anib gau halö laulö böñ nöp in bic riköp u abe,

nibi bi nan si nan najj gipal gac u gasi niñöm

sipsip nan gau pak sabe gipal u abe,

u rö nöp ne niñö aij gagöp.

⁷Pen manö rimnap halö hagem hagnö,

‘God, yad midpin.

Hadame nöp köp u kali kñiñ riköm hagla rö u,

yad aubin u, gasi ne nöp niñmön hagnabön rö ginabin,’ ” a ga.

⁸Krais manö anib miñau haga. Manö ap u God niñ hagöm haga, “Nibi bi kale sipsip nan gau pak nöp sabe gipal u ne niñö aij gagöp; nibi bi nan ñeb ap dam nöp ñibal u abe ne niñö aij gagöp; kaj kau kaj sipsip nan anib gau halö laulö böñ nöp in habik lugöp u abe ne niñö aij gagöp; nibi bi nan si nan najj gipal gac u gasi niñöm sipsip nan gau pak sabe gipal u, u rö nöp ne niñö aij gagöp,” a ga. Mosis lo manö kali kñiñ rikö midöp rö

⁴ 9:26 Hib 10:10 ^u 10:3-4 Hib 9:13 ^v 10:5 Sam 40:6-8

nöp sabe gi ñimidal u pen Kraiſ niűöm, “God níp aij gagöp,” a ga. ⁹Pen Kraiſ manö ap God níp hagöm haga, “God, yad midpin. Yad aubin u, gasi ne nöp niűmön hagnabön rö ginabin,” a ga. Anib u, nibi bi nan pak God níp sabe gi ñi mideila manö nöd nibö u, God nipe wasö göm, manö aij hain nibö u gö pidöű gö ara. ¹⁰Anib u, Jisas Kraiſ Nap manö u niűöm, nan si nan naij giűun gac u hik gi yuniű, mañ añi yabił hañ romaű nipe ke böű nöp sabe gi ña u me, hon nibi bi magöűhalö nan si nan naij gac u hik gi ke gau yuö nibi bi uł nipe midpun.”

¹¹Bi God níp nan sabe gep gau ñin añi añi wög kale giűal. Ñin añi añi kale pör pör nan gau pak God níp sabe giűal. Pen aniű gilö, nibi bi nan si nan naij giűal gac u hik gi yunim rö lagöp.^x

¹²Pen Kraiſ nibi bi nan si nan naij gac u hik gi yunam a göm níp ke mañ añi ap nöp sabe gi ñöm, wög anibu gi uűpin a göm, am God ñimagö yijig adö böű lau asika. ¹³Kraiſ God ñimagö yijig adö böű lau asik midö niűöl gi, God nipe Kraiſ níp kauł mauł midpal gau ma ara nipe mo gau linab.^y

¹⁴Kraiſ nipe mañ añi nöp uma u, nibi bi nan si nan naij gac kale hik gi yuöp gau, kale nibi bi uł nipe hadö midpal. Pen kale nibi bi uł nipe pör nöp mideinaböl. ¹⁵Ana Uł u rö nöp hanip manö anibu rö hag ñöb. Nipe manö hagep bi nipe ap níp gasi ñö, God Manö u adin ap kali kłiñ riköm haga,

¹⁶“Yad Bi Kub hagabin,
hainö yad manö hain nibö kalip hagem manö hag adö añi lem,
lo yad u gasi midmagö aű kale daű li ñinö,
niű aij göm gasi niűöl gi mideinaböl,” a ga.^z

¹⁷Pen manö ap haga,

“Nan si nan naij giűal u niűem arö gem,
hainö gasi niűöl gi midageinabin,” a ga.^a

¹⁸Anib u hon niűbun, God nipe nibi bi magöűhalö nan si nan naij giűal gac u hadö niűöm arö göp rö, God níp nan sabe gep bi gau wög ap midagöp yabił.

God midöp söl auun

¹⁹⁻²⁰Añ mam bi. Jisas hañ romaű nipe ke hagape nipe ke nöp sabe gi ñöm ilön udöm uma u me, wałj kub Ram Raul Migan Uł Ke Yabił pił gila u pak gi dö gö, adan gisön nibö adan kamiű arep ap hon böű nöp hiika.^b

²¹Kraiſ nipe hon God ił nipe midpun gau, bi ram nap nibö rö midöm, God Níp Nan Sabe Gep Bi Kub Yabił hon u midöp. ²²Anib u me, Kraiſ nan si nan naij giűun gac u hadö hik gi yuö, gasi magö hon mid aij göp

^w 10:10 Hib 9:12 ^x 10:11 Eks 29:38 ^y 10:13 Sam 110:1 ^z 10:16 Jer 31:33; Hib 8:10

^a 10:17 Jer 31:34 ^b 10:19-20 Mad 27:51; Hib 4:16

niñöm hon ñig pak aij gipun rö uł nöp midun, God manö aij u niñ ud pidöñ gun, gasi añi nöp niñun, God midöp au söl arun.^c ²³God pör nöp hagöp rö nöp ginab u me, God hanip dam ram minöñ kumi kabö adö lañ au ud arnab a göp manö niñö anibu niñ ud pidöñ gun gasi halö abad midaiun. God hainö anig ginab manö u nibi bi gau hag ñibun rö, hon ke gasi añi anibu nöp niñ ud pidöñ göl gi midaiun. ²⁴Pen añ mam bi rimnap kalip midmagö lun gi aij gino, kale pen nibi bi rimnap kalip midmagö löm gi aij gilö, añ mam gau pen pen ud aij gun, gi ñun, pen pen midmagö lun, gi aij gun. Gasi u nöp niñöl gi midaiun. ²⁵Nibi bi rimnap God Manö niñun a göm apöm magum gimidal u pen hainö arö gipal rö, gagun. Bi Kub ado gi apöm manö kub hagnab ñin u söl midöp a gun, ap magum gun, manö aij niñbun u, pen pen hag ñöl gun, jim ñöl midaiun.^d

Krais nip arö ginabun u, böñ nöp ap lug pakun rö löp

²⁶Krais manö aij manö yuö u haglö niñ aij gun, pen ado gi nan si nan naj adö u kauyañ göl gi midnabun u, nan ap God nip sabe gi ñino gac hon u hik gi yunim rö lagöp.^e ²⁷Adö anibu, adan hon ap midageinab. God nip piñiñ gun, manö kub u abe, mab miñañ kub God kołmał nipe gau kalip in hij gi lugniñ gab u abe abad mideinabun.^f ²⁸Mosis lo manö kali kliñ rika u, nibi bi niñlö, nan yihariñ rö lö, rib rikeila u, nibi bi mihau aka mihau niñañ amgö niñlö, manö kub gimidal ñin u, kalip mög niñnim rö lagö, bi manö ud asikep gau manö anibu niñ aij göm haglö böñ nöp al pak limidal.^g ²⁹Anib u, nibi bi God Ñi nipe u nöp ałeb ałeb ñinaböl u, God nibi bi manö kub hagnab ñin u kalip manö kub hagöm, kalip pen ilön naj ñiniñ gab. God Ñi nipe nip ałeb ałeb ñinaböl anibu, Krais hagape nipe ke hanip God aip ud jim ñöl linam a göm yua u, kalip nan yihariñ rö lö, anig ginaböl. Pen God Ana kalip mög niñöb u, nip u rö nöp ałeb ałeb ñinaböl.^h ³⁰Hon niñbun God Bi Kub nipe haga, “Nibi bi nan si nan naj gipal gau, yad añi kalip pen gi naj ginabin,” a ga. Pen manö ap haga, “Bi Kub nipe ke nibi bi nipe gau kalip manö kub hagnab,” a ga.ⁱ ³¹Pen God Bi Kub pör pör midöp u, nibi bi gau kalip manö kub hagnab u niñlö aninin gö piñiñ ginaböl.

God Manö hagöp rö nöp gino arnim

³²Pen nöd gimidim u hauł gagmim. Krais mailö aij kalöp pak ñö manö aij nipe u niñ udpe, nibi bi rimnap kalöp marö kub ñila u pen nip arö gagpe. ³³Ñin rimnap kalöp manö naj hagöm, gi naj gimidal u pen gasi anibu niñagmim, Krais nibi bi migan rimnap kalip gi naj geila anib gau adö armidim. ³⁴Nibi bi Krais manö aij u niñ udlö, nagi lila gau, mög niñmidim.

^c 10:22 Lep 8:30; Esi 36:25; Ep 5:26 ^d 10:25 Hib 3:13 ^e 10:26 Hib 6:4-8

^f 10:27 Ais 26:11 ^g 10:28 Dud 17:6; 19:15 ^h 10:29 Eks 24:8 ⁱ 10:30 Dud 32:25-36

Bi kub ram minöŋ kale abadpal gau apöm nan kale magöŋhalö ud gau nibö gau nibö pih gi ud arlö, gasi iru niŋagmim, aij gö niŋöl gi, kale nan pih gi ud aragep, nan aij yabił pör pör nöp midnab u gasi niŋöl gi nöp midmidim.^j
³⁵Anib u, hain hain gagmim; klö gimim gasi halö mideinabim u, God kalöp pen nan aij yabił ñinab. ³⁶Krais manö aij niŋ udpim u arö gagmim. God Manö hagöp rö nöp giŋe arö me, God Manö hagöp rö nöp kalöp nan aij anibu ñinab. ³⁷God Manö u niŋun niŋbun, manö ap kali kliñ riköm hagla,

“Magö ulep nöp ap midöp

Bi aunig gab u aunab.^k

³⁸Pen nibi bi kamiŋ aij yad gau,

yip niŋ udöm kamiŋ mideinaböl.

Pen nibi bi rimnap yip arö ginaböl u,

yip aij gagnab,” a gila.

³⁹Pen hon nibi bi God nip arö göm ap lug paknaböl rimnap midagpun; nibi bi nip niŋ udöm, pör pör nöp kamiŋ mideinaböl gau midpun.

Niŋ udep magö u

11 ¹Nibi bi God Manö hagöp u manö niŋö hagöp a göm, God nip niŋ udpal gau, God Manö hainö kalöp gi aij ginabin a göp u, kale gasi mihöp wasö, God Manö hagöp rö nöp niŋ ud pidöŋ gipal. Nibi bi God Manö hagöp u manö niŋö hagöp a göm, God nip niŋ udpal gau, God Manö nan anib gau anig göl anig göl midöp a göp u, kale nan anib gau amgö niŋagpal u pen kale gasi mihöp wasö, God Manö hagöp rö nöp niŋ ud pidöŋ gipal.^l ²Nibi bi rimnap hadame nöp gau, miñi nöp kali kliñ rikajin rö gila rö, God nip aij ga.

³God nip niŋ udun, God Manö hagöp u manö niŋö hagöp a gipun u me, nan kumi kabö adö laŋ abe, nan minöŋ naböŋ iŋ i abe, God nan ap udöm gi laga, God manö u nöp hagö la u, niŋbun.^m

Ebol, Inok, Noa God nip niŋ udla

⁴Hadame nöp bi ne Ebol God nip niŋ udöm, God manö hagöp u manö niŋö hagöp a ga u me, nan dapöm God nip pak sabe gi ñö, God niŋö aij ga. Pen nimam Ken nan dapöm sabe gi ña u, God niŋö aij gaga.

Ebol niŋe God nip niŋ udöm, God manö hagöp u manö niŋö hagöp a ga u me, God nip pen bi kamiŋ aij yad a göm, nan sabe gi ña u niŋöm, yip aij göp a ga. Ebol umöm arö, miñi aip midagpun u pen, niŋe God nip niŋ uda aiud anibu, hanip nibi bi rimnap gasi ñöl gi nöp midöp.ⁿ

⁵Pen Inok niŋe u rö nöp God nip niŋ udöm, God manö hagöp u manö niŋö hagöp a göm, God nip niŋ ud mid damöm umaga. God nip niŋ udöm,

^j 10:34 Mad 6:20; 19:29 ^k 10:37-38 Hab 2:3-4 ^l 11:1 2Ko 5:7 ^m 11:3 Jen 1:1; Sam 33:6; Jon 1:3 ⁿ 11:4 Jen 4:3-10

God manö hagöp u manö niñö hagöp a ga u me, God nip pen bi kamiñ aij yad a göm, kamiñ nöp ud ara. Nibi bi nip ulhai ulhai niñ wasö gila; God nipe ke nip dam ram minöñ kumi kabö adö lañ au ud ara.^o ⁶Nibi bi God nip niñ udöm, God Manö hagöp u manö niñö hagöp a ginaböl gau nöp, God niñö aij ginab. Nihön ginig: nipe kamiñ midöp rö, nip sabe gino, hanip manö hagöp rö ginab a gipal nibi bi gau nöp ud aij ginab.

⁷Pen Noa nipe u rö nöp God nip niñ udöm, God manö hagöp u manö niñö hagöp a göm, God hagöp rö nöp ginab a göm, haga rö nöp ga. God Noa nip möñ kub paknab a gö, Noa amgö niñaga u pen God nip niñ uda rö, manö niñö hagöp a göm, ñig magib kub u gi la. Ñig magib kub anibu gi löm, nibi nipe ñi pai nipe gau magöñhalö raul migan anibu arlö, möñ kub yabiñ u ala pen kamiñ mideila. Pen God möñ kub paknab a gö, amgö niñaga ñin u, God manö hagöp u manö niñö hagöp a göm gö arö ñig magib gi la u me, God nip bi kamiñ aij yad a ga. Nipe kamiñ arö niñöl gi, nibi bi manö nipe rib jula gau nibi bi nan si nan naij nöp göl gi mideila u waiö midöp.^p

⁸Bac iñaj Ebrahim u rö nöp God nip niñ udöm, God manö hagöp u manö niñö hagöp a göm, haga rö nöp ga. Nap ram minöñ u midö niñöl gi God haga, “Ñi pai ne yag daunabön yag daulö arnab gau, kalöp ram minöñ kub ap böñ nöp hagnabin u me, ammön anib gau midaimön,” a ga. God anig hagö, Ebrahim ram minöñ anibu midöp gau a göm niñaga; God yip abad mideinab a göm, hañowañ ara.^q ⁹Pen God ram minöñ nip hag la am mideia ram minöñ anibu ram minöñ nipe wasö, nibi bi rimnap ram minöñ kale. Nipe bi milö gau nibö rö mideia. Nipe anig göl midöm, sel ram nöp göm han ajöm, ñi nipe Aisak nip yag daua. Yag dauö kub göm, nap ga rö nöp sel ram nöp han ajeia. Aisak ñi nipe Jekop nip yag dauö kub göm, u rö nöp sel ram nöp han ajeia. Pen God ram minöñ nip hag löm Ebrahim nip haga u, ñi nipe Aisak Jekop kalip u rö nöp hag la.^r ¹⁰Pen Ebrahim God ram minöñ klö aij pör mideinab a göm gi la u, am mideinabin a gi gasi niñöl gi mideia.

¹¹Ebrahim bi mitep löm, nibin Sara nibi wasöke mitep yabiñ löm, midailö. Pen Ebrahim God nip niñ udöm, God manö hagöp u manö niñö hagöp a göm, hagöp rö nöp halip ginab a göm, ñi Aisak nip yag daulö.^s ¹²Ebrahim bi hadö umöb rö mideia u pen ñi nipe anibu rikö, rik dam dapil gilö, hon nibi bi iru nibanö yabiñ, gapi kumi kabö lañ au iru nibanö yabiñ midöp rö, kabö kuñup airan ñig goñ au iru nibanö yabiñ midöp rö, wö ral niñagpal rö u, midpun.^t

¹³Bi hadame nöp hagabin anib gau, God nip niñ udöm, God manö hagöp u manö niñö hagöp a göm, hagöp rö nöp hanip ginab a göm, umla.

^o 11:5 Jen 5:21-24 ^p 11:7 Jen 6:13-22; 7:1 ^q 11:8 Jen 12:1-5 ^r 11:9 Jen 35:12

^s 11:11 Jen 18:11-14; 21:2; Ro 4:19 ^t 11:12 Jen 15:5; 22:17

God kalip nihön nihön hagö, hagöp rö nöp hanip ginab a göm, nip niñ ud mideila u pen God haga anibu gö niñöm umagla. God kalip nihön nihön haga u, amgö niñagöm, milö gau nibö rö gasi kale nöp niñöm, hainö God nan aij hanip ñinab a ga u hanip ñinab, a göm, aij gö niñöl gi midöm umla. Minöñ naböñ adö it i midöm hagdimal, “Hon nibi bi ke gau nibö yihariñ apun minöñ naböñ adö it i midpun,” a gimidal.”¹⁴ Nibi bi manö anibu rö haggal gau, ram minöñ hon yijig göl ap midöp u a gi gasi u niñöm, anig haggal.¹⁵ Ram minöñ kale arö göm aula u gasi arö, ado gi arblap pen ado gi aragla.¹⁶ Pen gasi kub kale ara God ram minöñ aij kumi kabö adö lañ au. God nipe pen kalip ram minöñ ap gi li aij ga u me, kale God nip God hon a gipal u, nipe niñö nable gagöp.

¹⁷⁻¹⁹ Pen God, Ebrahim hagnabin rö ginab aka göm, nip haga, “Ñi ne Aisak, ‘Rikö riklö rik dam dapil gilö iru mideinaböl,’ a ginö ñi u nöp, nip dam al pak limön, yip sabe gi ñimön,” a ga. Hagö, Ebrahim God nip niñ udöm, God manö hagöp u manö niñö hagöp a göm, yip hagöp rö nöp ginab a göm haga, “Ñi yad anibu rikö riklö rik dam dapil gilö iru mideinaböl a ga manö u arö gagnab; ñi yad añi yabiñ u al pak linö, nipe gö kauyañ uraknab,” a göm, ñi nipe Aisak nip dam bid adö u nagi adik löm, ru udöm big linig gö, God haga, anig gagmön a ga. Anib u, ñi nipe Aisak nip hadö böñ nöp uma rö la u pen nip kamiñ udöm dam ado gi ara.”

²⁰ Aisak pen kub göm ñi mihau yag daua. Ñi ap hib nipe u Jekop; ñi ap hib nipe u Iso. Pen nap Aisak u rö nöp God nip niñ udöm, God manö hagöp u manö niñö hagöp a göm, bi miñep yabiñ löm, God hagöp rö nöp ginab a göm, ñi nipe mihau kalip nan aij hainö ginab manö u rimnap nöd hag ña. Umö, hainö haga rö nöp ga.”

²¹ Pen ñi nipe Jekop u rö nöp God nip niñ udöm, God manö hagöp u manö niñö hagöp a göm, hagöp rö nöp ginab a göm, bi miñep yabiñ löm söl umnig ga ñin u, ilöñ adin ud ajep nipe u udöm, God hib nipe hagö adö arö niñöl gi, ñi nipe Josep ñi rika mihau u kalip hagöm, God kalip mihau ud aij göm abad mid aij ginim, a ga.^x

²² Pen ñi nipe Josep u rö nöp God nip niñ udöm, God manö hagöp u manö niñö hagöp a göm, hagöp rö nöp ginab a göm, bi miñep yabiñ löm söl umnig ga ñin u, Isrel nibi bi nipe gau kalip haga, “Hainö ram minöñ Ijip i arö gimim, ado gi ram minöñ Kenan arnabim. Ñin anibu, le yad gau halö dammim anig anig gimim,” a ga. Hagöm umö, hainö kalip haga rö nöp gila.”^y

Mosis nip yag dapil pi gilö

²³ Mosis nime nap ber u rö nöp God nip niñ udmil, God manö hagöp u manö niñö hagöp a gimil, hagöp rö nöp ginab a gimil, ñi Mosis nip yag

¹⁴ 11:13 Jen 23:4; 1Kr 29:15; Sam 39:12; 1Pi 2:11 ¹⁵ 11:17-19 Jen 21:12; 22:1-14; Ro 4:17

¹⁶ 11:20 Jen 27:27-29,39-40 ^x 11:21 Jen 47:31-48:20 ^y 11:22 Jen 50:24-25; Eks 13:19

daumil, kliñ aij mideia u niñmil, rakin mihau niñan pi gilö mideia. Ijip Kiñ Pero nip piñiñ gaglö.^z ²⁴Mosis kub göm, nipe u rö nöp God nip niñ udöm, God manö hagöp u manö niñö hagöp a göm, hagöp rö nöp ginab a göm haga, “Yip Pero pai nipe ñi nipe hagagöl. ²⁵⁻²⁶Minöñ naböñ adö it i nan si nan naj göl gi midnö, yip aij gagnab; pör pör mideinam a gem, Mesaia nip niñ udnö, yip hag junaböl u aij; pen Ijip nibi bi arep auep nan aij aij kale gau yip aij gagöp a ga. Yad nibi bi God lau adö midlö, kalip gi naj gipal gau aip magum gem mideinam,” a ga.

²⁷Pen Mosis nipe God amgö niñagep u nip niñ udöm, waiö niñnim rö lö, Kiñ Pero nip mulu kal niña u piñiñ gaga. God nip niñ udöm, God manö hagöp u manö niñö hagöp a göm, hagöp rö nöp yip abad mideinab a göm, God haga rö nöp göm, Isrel nibi bi kalip ul gi Ijip arö göm aua. ²⁸Pen Mosis nipe God nip niñ udöm, God manö hagöp u manö niñö hagöp a göm, hagöp rö nöp hanip ginab a göm, hagö, Isrel nibi bi Pasopa sipsip pi gau paköm, hagape udöm ajöñ it böñ böñ yulö pismas gi pakö, naböñ adö lañ abe yulö pismas gi pakö, ejol apöm Ijip nibi bi ñi nöd yag daula gau magöñhalö al pak löl gi, Isrel nibi bi ram kale u amöm ñi nöd kale gau al pak laga.^a

²⁹Isrel nibi bi God nip niñ udöm, God manö hagöp u manö niñö hagöp a göm, hagöp rö nöp hanip ginab a gilö, Ijip kai kalip ridik gilö, amöm ñig solwara Hagape u rikniñ gilö niñöl gi, God gö ñig anibu ihi gi böñ böñ arö, minöñ miñep adö u rö amöm, böñ lödañ arla. Pen Ijip kai kalip yu gi dam añ anibu aueila, ñig apöm kalip pañu gö magöñhalö ñig niñöm um hakla me.^b

³⁰Pen hainö Isrel nibi bi God nip niñ udöm, God manö hagöp u manö niñö hagöp a göm, hagöp rö nöp ginab a göm, amöm daun kub Jeriko kabö waryö klö u ñin unbö mudun u gigabö gilö gilö, kabö waryö u böñ nöp lug paka.^c

³¹Bi si udep nibi Rehap u, God nip niñ udöm, God manö hagöp u manö niñö hagöp a göm, nibi bi nipe God manö nipe arö gila gau aip umaga. Nihön ginig: bi Isrel mihau daun kub Jeriko arlö, kalip mihöñ al pak linig gilö, God Rehap hagö, ram minöñ hon niñ linig aubil a göm, ud amdam gö, kamiñ midmil ado gi arlö.^d

³²Pen nibi bi God nip niñ udöm, God manö hagöp u manö niñö hagöp a gilö, kalip ke yabiñ ga aiud gau aige göl gem miñöbö hagnam. Bi ne Gidion, Barak, Samson, Jepda, Depid, Samyuel bi gau abe, bi God manö hagep gau abe gila gila rö hagnö, manö miñö kub arnab.^e ³³Nibi bi anib gau God nip niñ udöm, God manö hagöp u manö niñö hagöp a göm,

^z 11:23 Eks 1:22; 2:2 ^a 11:28 Eks 12:21-30 ^b 11:29 Eks 14:21-31 ^c 11:30 Jos 6:12-21

^d 11:31 Jos 2:1-21; 6:21-25; Jem 2:25 ^e 11:32 Jaj 6:11-8:32; 4:6-5:31; 13:2-16:31;

11:1-12:7; 1Sa 16:1-1Ki 2:11; 1Sa 1:1-25:1

rimnap nibi bi ram minönj ke rimnap kalip yu gi yula. Kale gi aij gila rö, God ginabin a ga rö nöp kalip ga. Rimnap kalip kain hapeb laiön mideila aŋ u ud yula, God kalip abad midö hauagla.^f ³⁴Pen rimnap mab kub ineia aŋ u ud yula inaga. Rimnap ru milö kid udöm kalip binig lun a gila u pen piñiŋ gi arla. Nibi bi rimnap nibi bi hain u pen God kalip abad mideia kal klö yabił mideila. Pen pen göl gi, amöm ami bi ram minönj ke nibö gau kalip yu gi yula.^g ³⁵Nibi rimnap nugmul bi ñi pai kale gau umeila, God nip niŋ udöm sabe gilö, nipe gö kauyaŋ urakla.

Nibi bi rimnap God nip niŋ udeila rö, kalip ilön ñila. God nip arö giblap, kalip hubik yulö kamiŋ arblap u pen, umno God hanip gö urakun ram minönj aij nipe au pör pör mid aij gun a göm, God nip cig göl gi nöp midöm nip arö gaglö, kalip rapin gi naj göm ilön mab ñilö ñilö umla.^h ³⁶Rimnap kalip hag juöm, ilönj ud rapin pakla. Rimnap adiköm nagi yula.ⁱ ³⁷Rimnap kabö ju pak lilö umla. Rimnap kalip so udöm rib gi dö gi adiŋ adiŋ lila. Rimnap ru milö kid udöm, kalip böŋ nöp binig lila. Rimnap kalip pör nöp gi naj göm, yuk gilö gilö ulham yabił midöm, nibi bi mög gep rö midöm, kaj meme sipsip hañ udöm wañj rö yimöm gi ajmidal.^j ³⁸Pen nibi bi gau nibi bi aij yabił; nibi bi naj gau aŋ kale au midagaiblap. Hon aip midep rö lagöp a göm, kalip gi naj gilö gilö, piñig gi am ram minönj kabö nöp midöp aŋ gau midöm, kabö miŋan minönj miŋan gau han ajmidal.

³⁹Nibi bi hagabin anib gau, God nip niŋ udöm, God manö hagöp u manö niñö hagöp a göm, hagöp rö nöp ginab a gilö, God kalip magöŋhalö, gi aij yabił gimim nibi bi kamiŋ aij yad midpim, a ga. Pen God kalip nan aij ñinabin a ga u, nan aij u ñin anibu udagla. ⁴⁰Nihön ginig: God hanip nan aij yabił ñinig gabin a göm gasi niŋa rö, ñin hain añi anibu nöp, kale nibi bi gau abe, hon nibi bi abe hanip magöŋhalö udö, seg am jim ñöl nibi bi ul nipe mideinabun.

12 ¹Pen nibi bi iru nöp hagajin anib gau hanip big gigabö göl gi midpal rö, nan gasi kub niñbun gau arö gun, nan si nan naj hanip yiñid cig ginim rö löp u arö gun, klö gun adan hanip hag la u gi dö gi arun.^k ²Jisas haga rö, hon God nip niŋ udun, God manö hagöp u manö niñö hagöp a gun, hainö God manö hagöp u magöŋhalö waiö nöp niŋ aij ginabun. Jisas nip mab kros ba laŋ al pak linig gilö, yip bi naj rö al pak lilö nable udnabin a göm hagaga. Hainö ram minönj kumi kabö adö lagod au miñ miñ yabił ginabin a göm, hanip nibi bi a göm umöm, urak am God ñimagö yijig adö böŋ lau asika. Anib u, pör pör nöp Jisas nip nöp gasi niñöl gi midaiun.

³Nibi bi iru nöp Jisas nip mulu kal niñöm gi naj göm gilö arö, nipe piñiŋ gaga u niñmim. Jisas ga adö anibu niñmim, aniŋ unbö rö nöp

^f 11:33 Dan 6:1-2 ^g 11:34 Dan 3:23-27 ^h 11:35 1Ki 17:17-24; 2Ki 4:25-37 ⁱ 11:36 1Ki 22:26-27; 2Kr 18:25-26; Jer 20:2; 37:15; 38:6 ^j 11:37 2Kr 24:21 ^k 12:1 1Ko 9:24-25

gimim, gasi halö midmim, God hagöp rö nöp göl gi midaimim. ⁴Jisas nipe Seden aip pen pen ga u, bi gau nip mab ba laŋ al pak lilö uma. Kale pen, Seden kalöp nan si nan naj ginig lip gö, anig gagun a gimim, nip aip pen pen gipim u, kalöp al pak lagpal. ⁵God kalöp ñi pai yad a göm manö aij hagö God Manö u kali kliñ rikla u hauŋ gipim akan Nipe haga, “Ñi pai yad gai i!

Bi Kub u kalöp rimid ukniŋ marö ñinab u,
gasi kub niŋagmim.

Bi Kub kalöp hag ginab u,
hanip böŋ nöp arö göp a gimim,
gasi iru niŋagmim.

⁶ Bi Kub nibi bi midmagö löp gau kalip rimid uknab.

Ñi pai nipe gau me, kalip magöŋhalö marö ñinab,” a ga.^l

⁷Anib u, uŋham mideinabim u, gasi iru niŋagmim; God hanip rimid ukab a gimim gasi halö midaimim. Kale niŋbim, nap bi gau ñi pai kale gau magöŋhalö rimid ukpal.^m ⁸God nipe ñi pai nipe magöŋhalö rimid uknab. God kalöp rimid ukagnab u, kale ñi pai nipe wasö, ñi pai nap halö midagpim u me, kalöp rimid ukagnab. ⁹Bapi hon minöŋ naböŋ adö iŋ i gau, hanip rimid uklö, aij ukpal u a gun niŋbun. Anib u rö, Bapi hon kumi kabö adö laŋ midöp u hanip rimid ukö, aij yabiŋ anig göp a gun niŋun kamiŋ midaiun.

¹⁰Bapi hon minöŋ naböŋ adö iŋ i rimid ukpal gau, ñi pai midaino pro magö u nöp, gasi kale ke niŋöm hanip rimid ukpal. Pen God hanip a göm, uŋ midpin rö nöp mideilaŋ a göm, hanip rimid uköp. ¹¹God hanip rimid uköp magö u aij gagöp u pen rimid ukö, nagi aij adö anibu niŋun, agamij midun gi aij göl gi nöp mideinabun.ⁿ

God nan nipe gau nöp gasi niŋöl gi midaimim

¹²Anib u me, ñin ma kaŋa gö auöp u, yiŋariŋ göp a gimim, urak amil apil gipe klö ginim.^o ¹³Adan yijig göl aij aij adö u arbe, rimnap ma piŋ juainim, klö gimim ammim gipe gipe, kamiŋ linab.^p

¹⁴Nibi bi gau aip magöŋhalö jim ñöl midaiun a gimim midaimim u pen God nibi bi uŋ nipe midaimim. God nibi bi uŋ nipe gau nöp Bi Kub u nip niŋnaböl.

¹⁵Kale niŋ aij gimim, God hanip mög niŋöm ud aij göp u arö gagmim. Niŋ aij gimim, aŋ kale gau nibi ap bi ap gasi naj niŋöm, nibi bi rimnap gasi naj anibu hageinab u, kale pen u rö nöp gilö gilö, nibi bi iru nöp kalip asiŋ uŋ ginim rö löp. ¹⁶Niŋ aij gimim, aŋ kale gau nibi bi ap nibi si bi si ganim. Kale magöŋhalö God nan nipe gau nöp gasi niŋöl gi

^l 12:5-6 Job 5:17; Pro 3:11-12; Rep 3:19 ^m 12:7 Dud 8:5 ⁿ 12:11 Jem 3:17-18

^o 12:12 Ais 35:3 ^p 12:13 Pro 4:26

midaimim. Iso hadame nöp ga rö gagmim. Iso nipe God nan nipe gau gasi niṅagöm, kiyö lö, nan ṅiṅin a göm, God nap Aisak nan aij ṅa u, Aisak ṅi nipe nöd u Iso nip ṅinig ga u, Iso ṅi nöd midöm udböp u, pen nan aij anibu nan yihariṅ rö lö arö göm, nan magö u nöp uda.^q 17 Pen kale niṅbim, nap Aisak nan aij ṅi nöd Iso nip ṅinig ga nan aij anibu, Iso udaga u me, hainö mög gö miṭöṅ göl gi, kauyaṅ udnam a göm, adan udnim ap midagö, mög yabiṭ gö miṭöṅ gi mideia.^r

God pör kamiṅ midöp u ram minöṅ nipe u aubim

18 Isrel nibi bi ram minöṅ Sainai Dum midöp u amöm dum anibu iṭ au aulö, mab kub yabiṭ inöm, sibön yabiṭ apöm, yigön kub udöm gö, amgö kale ke niṅla. Pen kale ram minöṅ anibu rö auagpim.^s 19 Aṭiṅ magö manö kub u hagöm, manö kumi kabö adö laṅ nibö ap hagö, nibi bi gau piṅiṅ göm Mosis nip hagla, “Ake! Manö hagab anibu rö, manö rimnap hagö niṅagun,” a gila.^t 20 Nihön ginig: God manö nöd hag la u Isrel nibi bi gau hag ṅinig göm Mosis nip haga, “Nibi bi, kaj meme, kaj sipsip nan gau dum anibi auaiöl, kabö ju böṅ nöp pak lep,” a ga. Manö anibu niṅlö midmagö aröp.^u 21 Nan ga anibu niṅöm piṅiṅ gila u, Mosis u rö nöp niṅöm haga, “Yad gil gil gem piṅiṅ gabin,” a ga.^v

22 Kale pen Sainai Dum anibu auagpim; kale Saion Dum aubim. Saion Dum aubim u, God pör kamiṅ midöp u ram minöṅ nipe u aubim, ram minöṅ Jerusalem kumi kabö adö laṅ, ejol iru nibanö yabiṭ ṅiṅi löl gi midpal au, ram minöṅ anibu aubim.

23 Nibi bi Kraiṅ manö aij u niṅ udlö, God kalip ṅi nöd rö udöm, ṅi pai yad a göm, hib kale ram minöṅ nipe kumi kabö adö laṅ au kali kṅiṅ riköp; kale magum göm miṅ miṅ göl gi midpal au, ram minöṅ anibu ammim, Kraiṅ nip niṅ udpal kalip aip jim ṅöl midpim. Kraiṅ nip niṅ udpim u me, God nibi bi gau magöṅhalö manö kub hagnab God u aip jim ṅöl midpim. Nibi bi ram minöṅ iṭ i midöm, God nip niṅ udöm, God Manö hagöp rö göm, nibi bi kamiṅ aij nipe midöm, umöm ana kale am God aip nibi bi uṭ nipe midpal gau, kalip aip jim ṅöl midpim. 24 Jisas nipe God manö aij gisön nibö dapöm bi aṅ nibö midöp u, nip nöp aubim. Ken nimam Ebol nip al pak lö hagape yua u, manö kub yabiṭ uda; pen Jisas hagape nipe u hanip a göm yua rö, God aip jim ṅöl midaiun rö löp.^w

Niṅ aij gimim

25 Anib u, niṅ aij gimim. Nibi bi Sainai Dum iṭ au midöm, God manö haga u udagla gau, kamiṅ aröl rö laga rö u, God ram minöṅ kumi kabö

^q 12:16 Jen 25:29-34 ^r 12:17 Jen 27:30-40 ^s 12:18 Eks 19:16-20; Dud 4:11-12

^t 12:19 Eks 20:18-21; Dud 5:22-27 ^u 12:20 Eks 19:12-13 ^v 12:21 Dud 9:19

^w 12:24 Hib 8:6; Jen 4:10

adö laŋ au nibö manö aij gisön nibö u haga u arö ginabun u, hanip u rö nöp kamiŋ arun rö lagnab yabił.^x

²⁶Ñin nöd anibu God kalip manö hagö niŋöl gi, munmon rö uda. Pen hanip haga, “Hainö unbö rö kauyaŋ ginö, minöŋ naböŋ ił i abe, kumi kabö adö laŋ abe magöŋhalö aŋ aŋa ginab,” a ga.^y ²⁷“Kauyaŋ” a ga anibu niŋbun, nan pör midageinab a göm gi la gau magöŋhalö ur ginab; nan pör pör mideinab a ga nan gau nöp mideinab. ²⁸Anib u, hon ram minöŋ aŋa gagep, ram minöŋ pör pör nöp pidöŋ midep, ram minöŋ aij yabił arnabun rö, aij a göl gi midun, God nip niŋ ud pidöŋ gun, bi kub klö halö midöp u gasi niŋöl gun, hib nipe hagno adö arnim. ²⁹God hon mab ke inab rö midöp.^z

Añ mam rimnap kalip midmagö yabił lun

13 ¹Krais nibi bi gau aip añ mam rö pen pen midmagö löł gi nöp midaimim. ²Krais nibi bi gau nibö kalöp lau adö auaiöl, kalip ud aij gimim. Nibi bi rimnap, nibi bi gau nibö aulö, nibi bi yihariŋ gau nibö auaböl a göm, hag wihai udöm, nibi bi wasö, ejol rimnap kalip hag wihai udla.^a ³Krais nibi bi rimnap nagi midaiöl, hon aip nagi midpun a gi gasi niŋmim kalip gi aij gimim. Krais nibi bi rimnap ułham midaiöl, hon aip ułham midpun a gi gasi niŋmim kalip gi aij gimim.

⁴Ber mi hau udmil, gi aij gipil. Kalip ber mi hau gi naj gagöl. Pen ber mi hau udmil, hainö nibi si bi si ginabil gau abe, bi praj nibi praj nibi si bi si ginaböl gau abe, God kalip manö kub yabił hagnab.^b

⁵Nan hon udpun gau pro göp a gimim, ułpö kiłno kibap gol mani nan gau gasi kub u niŋagmim. Nan pro hon midöp u mel midöp a gimim gasi u niŋmim. God haga,

“Kalöp arö gagnabin;

kale aip pör pör nöp mideinabin,” a ga.^c

⁶Anib u, gasi halö midun hagnab,

“Bi Kub yip abad midöp rö, piñiŋ gagnabin.

Nibi bi rimnap yip gi naj göl rö lagöp,” a gun.^d

⁷Bi kub kalöp God Manö aij haglö niŋbe u gasi niŋöl gi midaimim. Kale God nip niŋ udöm, manö nipe hagöp rö gilö arö umla u gasi niŋöl gi midmim, anig unbö rö nöp göl gi midaimim.^e ⁸Jisas Krais nöd midmidöp rö, uri anib unbö rö nöp midöp; pen uri midöp rö, hainö pör pör nöp anib unbö rö nöp mideinab. ⁹Nibi bi rimnap kalöp manö piral ke ke hagaiöl u, udagmim. God kalöp mög niŋöm, ud aij göm, abad mid aij göp u nöp gasi niŋmim, midmagö aŋ kale daŋ pidöŋ udmim, gasi halö midaimim.

^x 12:25 Hib 2:1-3; 10:26-29 ^y 12:26 Hag 2:6 ^z 12:29 Dud 4:24; 9:3 ^a 13:2 Ro 12:13; Jen 18:1-8; 19:1-3 ^b 13:4 Ep 5:5 ^c 13:5 Dud 31:6,8; Jos 1:5 ^d 13:6 Sam 118:6
^e 13:7 1Ko 4:16

Pen nan ñiñeb lo gau gasi ap niñagmim. Nibi bi nan ñiñeb lo gau hain göm mid aij gagnaböl.^f ¹⁰God nip nan sabe gep bi gau, God sabe gep ram u midöm, nan pak bid adö au God nip sabe gipal gau, nan bid hon adö midöp u ñiñöl rö lagöp. ¹¹God nip nan sabe gep bi gau kaj kau kaj meme paköm hagape u dam God nip nan sabe gep bi kub yabił u nip ñilö, nipe pen nibi bi nan si nan naj gimidal a göm, God nip sabe ginig, dam Ram Raul Miğan Uł Ke Yabił u hoñ göp. Nime u pen dam, midpal hoñ adö au laulö böñ nöp in habik lugöp.^g

¹²Anib u rö, Jisas nibi bi nan si nan naj gipal gac anibu hagape yad ke ħk gi yunam a göm, daun kub Jerusalem ajöñ hoñ adö au amöm, ilön kub udöm, hagape lugö uma.^h ¹³Anib u, nip hain gun, nibi bi yiħariñ gau gilö aröp adö u arö gun, hoñ adö u arno, nip hag jula rö hanip u rö nöp hag juöl.ⁱ ¹⁴Nihön ginig: minöñ naböñ adö ił i pör pör midaiun ka ap midagöp u pen hainö ram minöñ kumi kabö adö lañ au amun pör pör midaiun a gun abad midpun.^j

¹⁵Anib u, hon pör pör nöp Jisas Bi Kub hon a gun hib nipe hagno adö arnim. Anig gino, God amgö ilö nipe nan sabe gep aij rö linab.^k ¹⁶Nibi bi rimnap gau kalip ud aij gun gi aij gun, nan hon rimnap kalip nime li ñun. Anig gino, God niñöm nan sabe gep aij rö lö, ñiñi linab.^l

¹⁷Bi kub kalöp abad midpal gau, manö kale udmim, hagnaböl rö gimim. God wög gipun u, God niñö aij ginim a göm gasi u niñöl gi kalöp pör nöp niñ aij göm abad mid aij gipal. Anib u, kale nan nihön gimim a ginaböl u, u rö nöp gimim. Anig geinabim u, aij gö niñöl gi wög kale ginaböl. Pen hagnaböl rö gagnabim u, wög ginig ginaböl u ginaböl u pen aij gö niñöl gi gagnaböl. Anig gilö, kalöp abad mid aij göl rö lagnab.^m

God nip sabe gipe, nipe hanip abad midainim

¹⁸Pen God nip sabe gipe, nipe hanip abad midainim. Hon gasi mihöp wasö, gasi añi nöp niñun, nan nihön ginabun, God Manö hagöp rö nöp göl gi midaiun a gi gasi u nöp niñbun.ⁿ ¹⁹Yad nan kub ap kłö gem kalöp hag niñabin: God nip sabe gipe, nipe gö, midpim u yiñid ninam.

²⁰⁻²¹God manö aij pör pör midep u, Bi Kub Hon Jisas hagape nipe lugö uma manö aij anibu midep nöp midöp. Hagape nipe lugö umö God gö nipe urak Sipsip Mukep Bi Kub Yabił midöp. God nibi bi ud aij gö agamij mid aij ginaböl u, kalöp u rö nöp nan aij ñö, nan nihön nihön God gimim a ginab u, ginabim. Pen Jisas Kraiss midmagö añ hon dañ midöm, God nipe hanip nibi bi aigale nibi bi rö mideinabun a ginab u,

^f 13:9 Ro 14:17 ^g 13:11 Lep 16:27 ^h 13:12 Jon 19:17 ⁱ 13:13 Hib 12:2

^j 13:14 Hib 11:10,16; 12:22 ^k 13:15 Sam 50:14,23 ^l 13:16 Plp 4:18 ^m 13:17 1De 5:12

ⁿ 13:18 Ap 24:16; 2Ko 1:12

Jisas Kraiss hanip gö anib unbö rö nöp linabun. Anib u, Jisas Kraiss hib nipe pör pör nöp hagno adö arnim. Anib unbö rö aij.^o

Manö naböñ rimnap

²²Pen añ mam bi. Köp ulep kali kliñ rikpin anibi, manö hagabin u niñ aij gimim udmim.

²³Mam hon Dimodi nip nagi lila u, miñi höñ auöp. Söl aueinab u, aip ninabul.

²⁴Bi kub kale gau abe, God nibi bi nipe gau abe, kalöp magöñhalö “Midpim?” a gabun. Kraiss nibi bi nipe ram minöñ Idali nibö gau kalöp “Midpim?” a gaböl.

²⁵God kalöp magöñhalö mög niñöm ud aij göm abad midan.

^o 13:20-21 Jer 32:40; Esi 37:26; 1Pi 2:25